

## **Rau Tau Paulus Iboode Pa Yes Korin Imin Maata 1 Korin—1 Corinthians**

<sup>1-2</sup> Yau Paulus. Maaron ipoi ghau namin le, ve ighur ghau namin mbanooŋa to Yesu Krisi itaghon i tauu loolo. Yeiru tonvetaz toit Sostenes nibood rau tane ilat pa yam tau aleep ila lupuun to Maaron izi nugh Korin na. Yam apaak Yesu Krisi ve aleep ila tooni, tauta amin tamtamon tooni patabuyaana wa. I ipoi gham amin le, leso ataghon ngar patabuyaana imin i tauu. Ve yam mon mako. I igham tauvene pa tamtamon tisov to nughmarin tau tisunŋun ila Tiina toit Yesu Krisi eeza na. I tiina toozi, ve tiina toit paam. \*

<sup>3</sup> Poia to Tamaan Maaron ve Tiina toit Yesu Krisi izaa tsiam, ve tinŋin gham aleep poia toman lolomim luuma. Onoon.

*Paulus ipait Maaron pasaa i ighur poia tooni tiina izaa to yes Korin*

<sup>4</sup> Saawe isov, yau napait Maaron payam toman lolog poia. Pasaa, ila uraat to Yesu Krisi, Maaron ighur poia tooni tiina izaa tsiam.

<sup>5</sup> Yam tau apaak Krisi ve aleep ila tooni na, Maaron Avuvu irei ngar popoia maata maata katiini payam. Tauta aghazoon pa ngar popoia naol, ve avovotia Maaron aliina ila eez maata maata. \*

---

\* **1:1-2:** 1Kor 6:11; 2Tim 1:9      \* **1:5:** 1Kor 12:7+; 2Kor 8:7

<sup>6</sup> Maaron Avuvu igham uraat toman tapiri ila somim. Tauta aghilaal aghe saveen to Krisi tau nisavia payam na, ene onoon, ve akisi ariaan.

<sup>7</sup> Tauvene aazne, ambool pa tapiri, ma ngar poia eta tau Maaron Avuvu ireii pait ne mako. Ve asasaan aghe le aghita saawe to Tiina toit Yesu Krisi imuul ilam ve Maaron itotoia ivot ighazoon.  
\*

<sup>8</sup> Maaron tauu pale ipalot gham, ve igham gham ayooz ariaan le azaa pa saawe tau i ighuru payam na. Leso saawe tau Tiina toit Yesu Krisi imuul ilam, i aat ighit gham ighe lemim sosor eta mako.

<sup>9</sup> Iit irau tanumeer Maaron. Pasaa, i itataghon saveen tooni irau saawe. Ve ipoi gham gha yamja Naatu Yesu Krisi avalupu gham amin eemon wa.  
\*

*Paulus isaav ariaan pa yes Korin ighe tivarewai zi sov*

<sup>10</sup> Yam tonvetaz, yau naghe napalot gham ila Tiina toit Yesu Krisi eeza tauvene: Avarewai gham sov. Yam asov alup lolomim ve ngar tsiam imin eemon, ve azuari gham pa taghoniin ngar eemon.  
\*

<sup>11</sup> Yam tonvetaz, yau nasavia saveen tane pasaa, Kloe tamtamon tooni siriv tilam, ve tipaesia varumim payau tighe parzoraan naol ivotvot ila somim.

<sup>12</sup> Ene nasavia ngar tsiam tau avavalaghi gham, ve yam siriv asavsaav aghe: “Yau nataghon Paulus,” ve siriv aghe: “Yau nataghon Apolos,” ve

---

\* **1:7:** Pil 3:20; 1Tes 1:10; Tit 2:13      \* **1:9:** Pil 1:6; 1Tes 5:23+; 1Pe 5:10      \* **1:10:** Ro 12:16; Pil 1:27, 2:2; 1Pe 3:8

siriv aghe: “Yau nataghon Petrus,” ve yam siriv aghe: “Yau nataghon Krisi.” Ngar tana, yam asov aghamghamu. \*

<sup>13</sup> Mindai, yam aghe avalagh Krisi imin ngiira ngiira? Ma aghe yau Paulus naghham niamim, ve tirav ghau izala ai pambaroon payam? Ma yam agham yaa pa yau ezag? Mako.

<sup>14</sup> Yau napait Maaron toman lolog poia pasaa, naghham yaa pa yam eval mako. Naghham yaa pa Krispus ve Gaius mon. \*

<sup>15</sup> Tauvene tamtamon eta irau isaav ighe: “Yei tane nigham yaa pa Paulus eeza.” Vene mako.

<sup>16</sup> O, ngarig gha matag ingal. Yau naghham yaa pa Stepanas ve yes tau tileep tomania ila ruum tooni na paam. Ve yam siriv, lolog iveegh. Naghham yaa payam, ma mako? \*

<sup>17</sup> Puughu tau yau naghham yaa pa yam eval mako, ene vene: Krisi imbaan ghau to naghham yaa pa tamtamon mako. I imbaan ghau to navotia vaaru poia. Ve i ighe saawe tau navotia vaaru poia, yau irau nasaav imin yes ngara to taan tau tighamgham pa tauzi ezazi ne mako. Pa ighe naghham tauvene, ene pale narav matin ai pambaroon to Krisi tapiri, ve tamtamon tighita ai pambaroon tooni imin kaut sorok. \*

*Mateegh to Krisi izala ai pambaroon itotoi ighe Maaron ngar tooni, ene ite kat pa ngar to iit tamtamon*

<sup>18</sup> Onoon, saveen tau isavia mateegh to Krisi izala ai pambaroon, yes tau titaghon eez to tilalez

---

\* **1:12:** 1Kor 3:4+      \* **1:14:** Mbanj 18:8; Ro 16:23      \* **1:16:** 1Kor 16:15  
 \* **1:17:** 1Kor 2:1+

na, tighita tighene saveen to yes kankanoonja. Eemon iit tau Maaron ighamgham uratoi ghiit to igham mulin ghiit ne, taghilaal taghe: Saveen tawe, Maaron tapiri igheen ila. \*

<sup>19</sup> Saveenja, Maaron isavia gha tiboode pataghaan wa. Ighe:

“Zeran ngara to taan, yau aat navaghamunia ngar toozi le tivaghamgham.

Yes tau tighene tighazon kat pa ngar tintiina na, yau pale naghham ngar toozi imin kaut sorok, ve le anoonja mako.” \*

<sup>20</sup> Ighe vene, pale tasaav mindai pa yes ngara to taan, ve yes tau lezi ngar tintiina pa tutuun to Mose, ve yes tau aazne tivavazorai zi pa savaaveen ma ngar ne? Pale tapait zi? Mako. Pasaa, ngar tau tamtamon to taan tipapakur tauzi pani na, ene Maaron ipaghazonaini ighe ene ngar to yes kankanoonja. \*

<sup>21</sup> Maaron, i ngar tooni tiina, ve ighita ighe poia to ipoon eez pa tamtamon to taan, lesa tipait tauzi ezazi sov. Tauta yes ngara to taan ngar toozi irau iuul zi to tiwatagh Maaron mako. Maaron ighe itaghon eez ite to igham mulin tamtamon. Ene saveen to Krisi tau nivovotia ne. Onoon, yes tau titaghon taan ngara na, tighita saveen tane tighene saveen to yes kankanoonja. Eemon yes tau tighur ila saveen tane, Maaron pale igham mulin zi. \*

<sup>22</sup> Yes Yuda tizoornugh tighene tighita gabua ngeretazi ivotvot imin ilaal pazi, o tighur ila. Ve

\* **1:18:** Ro 1:16; 1Kor 2:14; 2Kor 4:3

\* **1:19:** Is 29:14

\* **1:20:** Is

44:25; Lu 10:21; Ro 1:22; 1Kor 3:18

\* **1:21:** Mt 11:25+

yes Grika tizuari zi pa lonjaan saveen to yes ngara to taan tau tighita tige le puughu tiina. \*

<sup>23</sup> Eemon yei nivovotia saveen pa mateegh to Krisi izala ai pambaroon. Saveen tane, saawe tau yes Yuda tiloonja, tirere pani ve tighur ila mako. Ve saawe tau yes Grika tiloonja, tiveleghi tige ene saveen to yes kankanoonja. \*

<sup>24</sup> Eemon yes tau Maaron ipoi zi timin le na, yes Yuda ve Grika paam, yes tighilaal tige Krisi, i itotoi Maaron tapiri ve ngar tooni ivot ighazoon pait. \*

<sup>25</sup> Onoon, yes tau titaghon taan ngara na, tiveleggh Maaron ngar tooni tige ene ngar to yes kankanoonja. Eemon mako. Ngar tooni tiina. Iliiv kat pa ngar to iit tamtamon. Ve uraat tau Maaron ighamu na, \*

tauvene paam. Tamtamon tiveleghi imin kaut sorok, ve tighita tige le tapiri mako. Eemon uraat tawe, tapiri tiina kat. Iliiv iit tamtamon tapiriin. \*

*Ngar to Maaron, ene ite kat pa ngar to taan*

<sup>26</sup> Yam tonvetaz, agham ngar pa taumim. Saawe tau Maaron ipoi gham amin le na, gabuamim mindai? Zeran tau titaghon ngar to taan na, tighita tamtamon tsiam katini tige lezi ngar tiina mako. Ve tige lezi ezazi ve tapirizi to tigham gabua eta mako, ve ziiri waaro toozi paam, lezi ezazi mako.

<sup>27</sup> Tauvene aghita. Yes tau tamtamon to taan tiveleggh zi tige lezi ngar mako imin kankanoonja,

\* **1:22:** Yo 4:48; Mbanj 17:21

\* **1:23:** Yo 6:60+; 1Kor 2:2, 14

\* **1:24:** Ro 1:16; Kol 2:3

\* **1:25:** Uraat tau Paulus isavia na, ene

mateegh to Krisi ve burigiinj tooni. \* **1:25:** 2Kor 13:4

tauta Maaron igham zi timin le, lesu ipamayanjin zeran ngara to taan. Ve yes tau tamtamon to taan tighit zi tighe tapirizi imbool, tauta Maaron igham zi timin le, lesu ipamayanjin yes tau tapirizi tiina na.\*

<sup>28-29</sup> Ve yes tau lezi ezazi mako, ve tamtamon to taan matazi veleghin zi, ve tighit zi timin kaut sorok, tauta Maaron igham zi timin le. Lesu ipaghazonjai yes tau ezazi tintiina na ighe ezazi tawe, ene kaut sorok. Pasaa, i loolo pa tamtamon eta ipait tauu eeza ila i maata mako.\*

<sup>30</sup> Maaron tauu ta igham gham apaak Yesu Krisi ve aleep ila tooni. I ighur Yesu Krisi to ipaghazonjai ghiit pa ngar tooni lesu taleep poia. Ve Krisi ta igham ghiit taduduun ila Maaron maata, ve igham ghiit tamin tamtamon tooni patabuyaana, ve ipas ghiit pa saghati tapiri, lesu tamin besoonja pani muul sov.\*

<sup>31</sup> Tauvene tataghon saveen tau tiboode pataghaan na:

“Tamtamon tau loolo pa ngar to pakuruun, na i aat ipakur Njeer Tiina pa ngar tau i ighamghamu.”\*

## 2

### *Paulus isavsaav imin yes ngara to taan mako*

<sup>1</sup> Yam tonvetaz, matamim ingal. Saawe tau nalat gha navotia Maaron aliiija payam, yau nasavia saveen puughu ariana imin yes ngara to taan tau tighamgham pa tauzi ezazi na mako. Yau

\* **1:27:** Mt 11:25; Yems 2:5 \* **1:28-29:** Ro 3:27; Ep 2:9 \* **1:30:**

Ro 3:24; 2Kor 5:21; Ep 1:7; Pil 3:9 \* **1:31:** Yer 9:23+; 2Kor 10:17

nasavia saveen raurauai payam, lesa aghazon pa Maaron ngar tooni. Ngar tawe, muun iyoon, ve aazne ivot ighazon wa. \*

<sup>2</sup> Pasaa, saawe tau nalat gha naleep tomani gham, ngar tsiau iyaraan naghe nasavia Yesu Krisi vaaru mon, ve mateegh tooni izala ai pambaroon. \*

<sup>3</sup> Saawe tau naleep tomani gham, roin tiina igham ghau le tinig irur, ve nayamaan naghe tapirig imbool. \*

<sup>4</sup> Ve saawe tau navotia vaaru poia payam, yau nasavsaav imin yes ngara to taan to naghim lolomim ne mako. Eemon Maaron Avuvu igham uraat toman tapiri ila lolomim. Tauta itotoi ighe saveen tau nasavia payam na, ene saveen onoon. \*

<sup>5</sup> Nataghon eez tauvene, lesa tamtamon ngar toozi imin puughu pa ghuruun ila tsiam sov. Naghe Maaron tau tapiri imin puughu pani, o poia. \*

*Maaron Avuvu ipaghazonai ghiit pa Maaron ngar tooni*

<sup>6-7</sup> Eemon yes tau ngar toozi imatuugh pa Maaron ve saveen tooni na, yei nisavsaav pazi pa ngar tiina to Maaron tau muun iyoon ve aazne ivot ighazon. Muun geeg, saawe tau sambam ve taan tivot soone, i igharaat eez pataghaan wa, lesa igham ghiit tala taleep tomania ila mbonari loolo. Ngar tooni tawe, ite kat pa ngar tau yes ngara to taan

---

\* **2:1:** 1Kor 1:17    \* **2:2:** 1Kor 1:23; Ga 6:14; Pil 3:8    \* **2:3:** Mban  
18:9; 2Kor 11:30, 12:5, 9    \* **2:4:** 1Kor 4:20; 1Tes 1:5    \* **2:5:** 1Kor  
4:20; 1Tes 1:5

tisasavia pa saawe tane. Ve yes tau tighamgham  
pooz pa saawe tane \*

tikankaan pani paam. Yes pooza tawe, murei  
Maaron pale itatan zi timin kaut sorok. \*

<sup>8</sup> Toozi eta ighazoon pa Maaron ngar tooni mako.  
Ve imin ta tighazoon pani, kanaan irau tirav Tiina  
toit Yesu tau eeza tiina pa tapiri ve poia tooni na  
izala ai pambaroon mako. \*

<sup>9</sup> Ngar yongaanja to Maaron tau nisavsavia ne, ti-  
bood saveenja pataghaan tige:

“Maaron igharaat gabua popoiazi naol pa yes  
tau lolozi igheen tooni na. Gabua tawe, ite kat.  
Tamtamon eta ighit zi pa maata, ma iloon varuzi  
pa taliinja soone. Ve tamtamon eta irau igham  
ngar pazi paam mako.” \*

<sup>10</sup> Eemon iit, o Maaron ipaghazonjai ghiit pa  
ngar tooni yongaanja tana ila uraat to Avuvu  
Patabuyaana wa. Maaron Avuvu ighita gabua naol  
isov. Ngar yongaanja kat tau igheen ila Maaron  
lolo na paam, Avuvu ighita. \*

<sup>11</sup> Laak, sei iwatagh katin tamtamon ite lolo?  
Mako. I tauu mon ta iwataghi. Maaron tauvene  
paam. Tauu Avuvu mon, ta iwatagh katin lolo.  
Ite paam mako.

<sup>12</sup> Avuvu tau iit taghamu na, i itaghon ngar to taan  
mako. I ivot ila to Maaron tauu. Maaron igham

---

\* **2:6-7:** Yes pooza tau Paulus isavi zi na, ene yes daaba sasaghati  
to taan, ma Neer Saghati tomania avuvu sasaghati siriv. \* **2:6-7:**  
Ro 16:25+; Ep 3:5, 9; Kol 1:26; Yems 3:17 \* **2:8:** Lu 23:34; Yo 16:3;  
Mbanj 13:27; 2Kor 3:14 \* **2:9:** Is 64:4; Yer 3:16 \* **2:10:** Mt 13:11;  
Yo 16:13; 1Yo 2:27



Avuvu pait, leso tawatagh gabua popoia tau i irei zi pait itaghon tauu loolo ve poia tooni na. †

13 Tauvene yei nisavsav pa gabua tane. Ve ngar tau nisasavia ne, yei nighamu ila to yes ngara to taan mako. Maaron tauu Avuvu, ta ipaghazonai ghei pani, ve ighamgham pooz pa saveen isov tau nisasavia ne. Tauvene saveen onoon tau Maaron Avuvu isavia payei, tauta nipaghazonai puughu pa yes tau titaghon ngar to Maaron Avuvu. \*

14 Isaav ighe neer eta itaghon ngar to tamtamon mon, i pale izor ngar tau ilam pa Maaron Avuvu na, ve ighita ngar tawe imin ngar to yes kankanooa. Irau ighazon pani mako. Pasaa, Maaron Avuvu iuul ghiit, o tagabiiz poghania ngar tana, ve taghazon pani. \*

15 Tamtamon tau ighe itaghon ngar to Maaron Avuvu, ene irau igabiiz poghania gabua naol isov ve ighilaal: saa ta poia, ve saa ta saghati. Tamtamon tauvene, yes tau titaghon taan ngara na, irau tigabiiza mako. ‡ \*

16 Pale tigabiiza mindai? Mako. Pasaa, saveen igheen pataghaan ighe:

“Sei iwatagh katin ngar to Maaron, ve irau ipaghazonaini pa ngar siriv? Mako.” \*

---

† **2:12:** Gabua popoia tau Paulus isavi zi na, ene gabua tau tagham zi ila mateegh to Krisi izala ai pambaroon. Ene gabua tauvene: Krisi ireu sosor toit, ve igham ghiit taduduun ila Maaron maata, ve irei Avuvu Patabuyaan pait. \* **2:13:** 1Kor 1:17, 2:4 \* **2:14:** Yo 6:44, 14:17; Ro 8:5+; 1Kor 1:18, 23 ‡ **2:15:** Saveen ziiri tane aat inarui tamtamon siriv to Korin tau tivelegh Paulus pa uraat tooni, ve tiyauyau avozi pani. Ughita 2Kor 10:10. \* **2:15:** 1Tes 5:21 \* **2:16:** Ro 11:34

Eemon iit, o ngar to Krisi igheen toit. \*

### 3

#### *Yes Korin, ngar toozi imatuugh soone*

<sup>1</sup> Yam tonvetaz, muun yau irau nasaav payam imin nasavsaav pa yes tau titaghon ngar to Maaron Avuvu na mako. Pasaa, saawe tana, yam akis Krisi tunja ila ngar tsiam soone. Ngar tsiam ngaala imin geegeu, ve ataghon ngar to lolomim munğaana.

<sup>2</sup> Tauta naghām aniiñ ariaaᅇa payam mako. Napaghun gham pa tuz mon. Pasaa, saawe tana, yam irau aghan aniiñ ariaaᅇa mako. Ve aazne paam, naghīt gham arao soone. \*

<sup>3</sup> Aghita. Parzoraan naol ivotvot ila sosomim ve ngar tsiam iyaryaan aghe atatan zeetmimᅇa, ve aghām zi titaghon ngar tsiam mon. Ene itotoi ighe yam atataghon lolomim munğaana soone. Laghoon tsiam, ene imin yes tau titaghon taan ngara. \*

<sup>4</sup> Pasaa, yam siriv aghe: “Yau nataghon Paulus,” ve siriv aghe: “Yau nataghon Apolos,” Ngar tsiam tana, ene itotoi ighe yam ataghon tamtamon to taan ngar toozi.

#### *Uraata tisov to Maaron tizuari zi pa gabua eemon*

<sup>5</sup> Laak, Apolos, ene sei? Ve yau Paulus, sei? Yeiru besoonᅇa mon to Tiina toit Yesu Krisi. Yei nighām uratoi gham, tauta aghur ila tooni. Onoon, i ighur

---

\* **2:16:** Ro 12:2; Ep 4:23    \* **3:2:** Hib 5:12+; 1Pe 2:2    \* **3:3:** 1Kor 1:10, 11:18; Yems 3:16

lemai uraat ite ite. Eemon yeiru nigham uraat pa Neer eemon. \*

<sup>6</sup> Uraat tsiau, ene imin navazogh aniiņ ila uum. Ve Apolos uraat tooni, ene imin igham uratoi uum ve igham yaa gha itutur aniiņ. Eemon Maaron ta igham aniiņ itum iza. \*

<sup>7</sup> Neer tau ivazogh aniiņ, ve neer tau igham yaa ve itutur aniiņ na, yesuru lezi ezazi mako. Maaron mon ta i le eeza. Pasaa, i ta igham aniiņ itum ve anooņa ivot.

<sup>8</sup> Tauvene neer tau ivazogh aniiņ, ve neer tau ighamgham yaa ve itutur aniiņ na, uraat toozi, ene puughu eemon. Ve murei, Tiina toozi pale igham lezi atuya iduduun pa uraat toz toz. \*

<sup>9</sup> Tauvene yeiru Apolos nilup ghei ve nigham uraat tau Maaron ighuru ila nimamai. Ve lupuun tsiam, ene imin uum to Maaron ve ruum tau i ilepleep ila. \*

*Yes tau tigham uratoi lupuun to Krisi na, timin zeran to raon ruum*

<sup>10</sup> Poia to Maaron iza tsiau, ve i igham pooz pa uraat tsiau. Tauta namin neer tau iwatagh katin uraat to raon ruum, ve imuņmuun pani. Uraat tau naghamu ila sosomim, ene imin napayooz rir imin puughu pa Maaron ruum tooni. Ve aazne, tamtamon siriv anazi tiseeņ uraat to raon ruum tawe. Sei tau ighe igham uraat pa raon ruum na, i aat igham ngar poi ve irau poghania ruum anooņa izala rir tawe itaghon ruum taama ngar tooni. \*

---

\* **3:5:** Mbaņ 18:1, 18:24+ \* **3:6:** Mt 13:3+ \* **3:8:** Ro 2:6 \* **3:9:** Ep 2:20+ \* **3:10:** Ro 15:20; 1Kor 4:15

11 Tamtamon eta irau ipayooz gabua ite paam imin rir pa ruum tawe mako. Yesu mon ta imin rir pani. Ve rir tana, yau napayooze wa. \*

12 Yes tau tirau ruum anooᅇa na, siriv tirao pa malimooᅇ arianaᅇi imin gol, silva, ve maet popoiazi siriv. Ve siriv tirao pa malimooᅇ tau arianaᅇi mako imin ai, regh, ve gabua siriv.

13 Tala tala le ighe tazaa pa saawe to gabizooᅇ ivot, mako yes tau tirau ruum na, uraat toozi anooᅇa ivot ighazooᅇ. Gabizooᅇ tawe ᅇgara, ene imin tamtamon tighur gabua ila yav, leso titoova ve tighita: Ene gabua arianaᅇa, ma gabua sorok? Ighe tirau ruum pa malimooᅇ arianaᅇa, ene pale yav tawe irau ighani mako. Eemon ighe tirau ruum pa malimooᅇ tau arianaᅇa mako, ene pale yav ighan uraat toozi gha ilale. \*

14 Tamtamon tau ighe irau ruum to Maaron pa malimooᅇ arianaᅇa, ene gabizooᅇ to Maaron irau igham gabua eta pa uraat tooni mako. Tauvene saawe tau gabizooᅇ tana isov, ene aat uraat tooni anooᅇa tawe ighengheen, ve Maaron igham le atuya poia.

15 Eemon isaav ighe tamtamon eta irau ruum to Maaron pa malimooᅇ soroksorok, ene pale yav ighan uraat tooni, ve le anooᅇa mako. Onoon, i tauu pale ileep poi. Eemon i imin ᅇeer tau yav ighan suvinia ruum tooni, ve ighau ivot ila muuri toman niima ᅇginaaᅇa.

*Lupuunᅇ to Krisi imin rumei patabuyaanᅇ to Maaron*

---

\* 3:11: Ep 2:20      \* 3:13: 1Kor 4:5

<sup>16</sup> Yam awatagh mako? Lupuunɗ tsiam, ene imin Maaron rumei tooni patabuyaany tau i ilepleep ilonɗ ila. Ve Maaron Avuvu ilepleep tomani gham ila lupuunɗ tsiam loolo. \*

<sup>17</sup> Tauvene ayamaan gham. Pasaa, lupuunɗ tsiam, tauta imin rumei to Maaron. Ve rumei tana, ene gabua tooni patabuyaany. Tauvene isaav ighe tamtamon eta ivaghamunia, ene i paam, Maaron pale ivaghamunia.

*Pale tagham ngar mindai pa Maaron uraata tooni?*

<sup>18</sup> Yam agham karom pa taumim sov. Isaav ighe tsiam eta ighe i irau kat pa ngar to taan tau aazne tamtamon tizuar zi pani ne, i aat ighur muuri pa ngar tawe, ve itaghon ngar to Krisi tau tamtamon to taan tighita imin ngar to yes kankanooɗa. Leso ighazoonɗ pa Maaron ngar tooni, ve eez to ileep poia.

<sup>19</sup> Pasaa, ngar naol tau tamtamon to taan tipakur zi pani, ene Maaron ighita ighe ene ngar to yes kankanooɗa. Saveeɗa tiboode pataghaany tau-vene:

“Zeran ngara to taan titaghon ngar naol tigue pale iuul zi to tileep poia. Eemon ngar toozi tawe pale imin liis pazi, gha lesu Maaron ikis zi.” \*

<sup>20</sup> Ve saveeɗ ziiri ite isaav ighe:

“Maaron iwatagh: Ngar naol tau zeran ngara to taan tivavazorai zi pani na, ene le anooɗa mako.” \*

---

\* **3:16:** 1Kor 6:19; 2Kor 6:16; Ep 2:21+; Hib 3:6; 1Pe 2:5      \* **3:19:** Yop 5:13; 1Kor 1:20      \* **3:20:** Mbo 94:11

<sup>21</sup> Tauvene n̄gar to pakuruuŋ tamtamon ezazi, yam apuli ileple. Pa gabua isov, ene yam tsiam. Maaron ighur zi to iuul gham.

<sup>22</sup> Paulus, Apolos, Petrus, taan tane, lepoogh tsiam, mateegh tsiam, gabua tau aazne tighengheen, ve gabua tau pale ivot murei na paam. Gabua isov tawe, ene tsiam mon. \*

<sup>23</sup> Ve yam to Krisi. Ve Krisi, i to Maaron. \*

## 4

### *Maaron pale igabiiz uraata tooni*

<sup>1</sup> Tauvene tamtamon irau tigham n̄gar pa yei uraata tauvene: Yei besooŋa to Krisi. I inumeer ghei, ve ighur saveeŋ tooni ilam tsiei lesu niŋgini. Saveeŋ tane isavia Maaron n̄gar tooni tau muuŋ iyooŋ, ve aazne ivot ighazooŋ. \*

<sup>2</sup> Besooŋa tau ighe tiina tooni inumeera ve ighur gabua ila niima to iŋgini, ene i aat iŋgin poghania gabua tana itaghon n̄gar to tiina tooni. \*

<sup>3</sup> Tauvene isaav ighe yam, ma tamtamon siriv agabiiz ghau aghe yau poiag, ma saghatig, ene naghham n̄gar pa tana geeg mako. Ve irau nagabiiz taug naghe yau poiag, ma saghatig, ene paam mako.

<sup>4</sup> Onoon, yau naghe uraat tsiau, naghham sosor eta mako. Eemon irau nanumeer sorok naghe n̄gar tsiau isov iduduŋ ne mako. Naleep ve nasaŋan gabizooŋ to Tiina toit tau murei pale ivot, o i tauu igabiiz ghau. \*

---

\* **3:22:** Ro 8:28, 38-39      \* **3:23:** Ro 14:8      \* **4:1:** 1Kor 3:5; 2Kor 6:4      \* **4:2:** Lu 12:42      \* **4:4:** Mbaŋ 23:1; 1Kor 3:13; 2Kor 10:18

<sup>5</sup> Yam tauvene paam. Rekia agabiiz tamtamon ve aghe yes sasaghatizi, ma popoiazi sov. Aleep ve asañan saawe to Tiina toít Yesu imuul ilam. Pa saawe tana ighe ivot, i pale ivotia gabua tisov tau tiyoon ila ndoroom, tomania ngar isov tau igheen ngozaan ila tamtamon lolozi na, ivot ighazoon. Mako Maaron tauu ipait tamtamon enjaenja itaghon ngar toz toz. \*

*Ngar tau mbanjoona to Krisi titaghoni*

<sup>6</sup> Yam tonvetaz, saveen isov tane, yau nasavia iza to yau gha Apolos, lesu nauul gham ve agham ngar poi pa yei tau nipaduduun gham pa Maaron aliina ne. Yam irau agham ngar ilam tsiei. Leso yam tau apapait tamtamon ee pa ngar tooni ve matamim veleghin ite na, apul ngar tsiam tana ileple. Pa ighe agham tauvene, yam amalaan pa Maaron aliina tau tiboode pataghaan na. \*

<sup>7</sup> Laak, yo tau upakur taum na, sei igham ghom uliiv zetamna? Ve saa gabua ta yo ughamu ivot ila taum tapirim? Mako. Gabua tsio tisov tomania saa ngar poia tau igheen tsio, ena yo ughamu ila to Maaron. Ighe tauvene, puughu mindai ta ugham tinim ve upakur taum imin ngar tomania gabua tsio ivot ila to yo taum? \*

<sup>8</sup> Aa yam Korin, arao kat! Ail saa gabua muul? Pa yam asavsav aghe: Maaron tapiri, yam agham katini wa. Ve aghe ghazoon kat pa ngar tooni. Ve

---

\* **4:5:** Ro 2:16; 1Kor 3:8; 2Kor 5:10; Syg 20:12

\* **4:6:** Ro 12:3

\* **4:7:** Yo 3:27; Yems 1:17; 1Pe 4:10

aghe yam amin kinik wa. Aleep ila tamtamon eta saamba muul mako. \*

Eemon yei o, soone. Ve imin ta saveeņ tsiam tana onoon, kanaan poia. Leso itina tamin kinik ve tagham pooz. Eemon mako. \*

<sup>9</sup> Yau naghita naghe Maaron ighur yei mbanooņa nileep murei geeg. Yei nimin yes tau tigha tirav zi timaat, ve tigherev zi tila pa nugh to mogheraan, lesa tirav zi ila eval tiina matazi. Ve yes tau timamarar ghei ne, tamtamon to taan mon mako. Yes aņela paam. \*

<sup>10</sup> Yei mbanooņa nizuari ghei pa taghoniņ Kriisi, ve tamtamon tighit ghei tigha nivaghamgham imin yes kankanooņa. Eemon yam o, aghe Kriisi igham gham arau kat pa ngar! Yei tapirimai imbool, ve lemai ezamai mako. Eemon yam, o aghe tapirimim tintiina ve ezamim tintiina. Yam arao kat! \*

<sup>11</sup> Muuņ ve ilam, pitool ghei ve murun ghei. Ve nonoghiņa tsiei perekperekia. Tamtamon tighamgham saghatin ghei, ve taumai lemai ruum to lepoogh mako. \*

<sup>12</sup> Yei nighamgham uraat ariaaņ pa nimamai, lesa niuul taumai. Igha tamtamon tisik saveeņ saghati payei, yei nighason Maaron to ighur poia tooni

---

\* **4:8:** Saveeņ to Maaron isaav tauvene: Mboņ murei, ighe Mesia ilam ve itotoi tapiri ivot ighazooņ, ene pale yesņa tamtamon tooni timin kinik ve tigham pooz pa gabua naol isov. Eemon tamtamon siriv to Korin ngar toozi ikau. Tighe yes tau tighur ila to Kriisi ve tigham Maaron Avuvu tapiri na, tileep imin yes to nugh sambam gha timin kinik wa. \*

\* **4:8:** Syg 3:17+ \* **4:9:** Ro 8:36; 1Kor 15:30+; 2Kor 6:4, 11:23+ \* **4:10:** Mban 26:24; 1Kor 2:3; 2Kor 13:9

\* **4:11:** Mt 8:20; 2Kor 11:27



izaa toozi. Tamtamon tighurghur patanani payei pasaa, nitaghon Krişi, eemon niyooz ariaan ve nibaado. † \*

<sup>13</sup> Tamtamon tinjalngal saveeñ payei, eemon yei niyol saveeñ toozi pa saveeñ poia. Tauta muuñ ve ilam, tamtamon tivelegh ghei kat ve tighit ghei tigne yei sasaghatmai imin pen ve buzbuuz to taan. \*

*Paulus ipalot yes Korin ighe titaghoni pa ngar tooni*

<sup>14</sup> Saveeñ tane, yau naboode payam to napa-mayanin gham mako. Yau lolog igheen tsiam, ve naghit gham naghe yau natugña yam. Tauta naghe napaduduun gham. \*

<sup>15</sup> Pa ighe yam lemim tamtamon ndinndin ndinndin (10,000) tau tinjin gham ve tipaghazonai gham pa eez to Krişi, ene poia. Eemon tamamimña naol mako. Tamamim eemon ta yau. Pasaa, saawe tau navotia vaaru poia payam, ve aghur ila to Yesu Krişi, yau namin tamamim. \*

<sup>16</sup> Tauta naghe napalot gham, lesa ataghon ngar tsiau. \*

<sup>17</sup> Puughu tane ta nambaan Timoti ilat. I, yau nanumeera ve lolog igheen tooni kat. Yau naghita imin natug duduun. I ighur ila to Tiina toit ariaan,

---

† **4:12:** Grika ve Roma tivelegh yes tau tighamgham uraat pa nimazi. Ve isaav ighe tamtamon tigham ngar saghati pa njeer eta, ve i iyatu mako, ene paam Grika ve Roma tiveleghi tigne i iroi ve le tapiri mako. Tauvene ngar tau Paulus ve mbanjoona siriv titaghoni, ene igham Grika ve Roma siriv tivelegh zi kat. \* **4:12:** Mt 5:44; Mbanj 18:3+ \* **4:13:** 1Pe 3:9 \* **4:14:** 1Tes 2:11 \* **4:15:** Mbanj 18:11; 1Kor 3:5+ \* **4:16:** 1Kor 11:1; Pil 3:17, 4:9; 2Tes 3:9

ve igham uraat itaghon Krisi ngar tooni. I pale ipei ngar tsiam muul pa eez tau yau naleep tunja ila to Krisi ve nataghon ngar tooni. Eez tane, yau napaduduun lupuun to Krisi pani irau nugh nugh.  
\*

<sup>18</sup> Yau nawatagh: Tsiam siriv matazi ingal tigde yau irau nalat naghit gham muul mako. Tauta tipakur tauzi ve tizorzoor saveen.

<sup>19</sup> Eemon malau mako pale nalat peria tsiam, isaav ighe Tiina toit loolo tauvene. Pa naghe naghita yes tau tipapakur tauzi ve tizorzoor saveen na, lesu nawatagh: Tisavsaav sorok, ma tigham uraat toman Maaron tapiri?

<sup>20</sup> Pasaa, pooz to Maaron, ene saveen mon mako. Ene Maaron tauu tapiri to izaa to tamtamon.  
\*

<sup>21</sup> Mindai? Yam aghe naghim saa ngar payam? Aghe nalat tomania toon ve nalos gham, ma nalat tomania ngar marowa ve ngar to loloon pa tauun?  
\*

## 5

### *Paulus iyaon yes Korin pa ngar to ghuruun boog*

<sup>1</sup> Aiyo, yau naghe napaduduun gham pa ngar siriv tau ivotvot ta sena. Tipaesia varumim tigde ngar saghati to ghuruun boog ivotvot ila sosomim. Ve tisaav tigde tsiam ee ivai tauu taama azaawa. Aghita. Yes kankanoonja tau tiwatagh Maaron mako na, yes irau tigham ngar saghati tauvene mako.  
\*

---

\* **4:17:** Mbanj 19:22; Pil 2:19+

\* **4:20:** 1Kor 2:4+; 1Tes 1:5

\* **4:21:** 2Kor 13:10      \* **5:1:** Wkp 18:8; Ep 5:3

<sup>2</sup> Eemon yam apuli gha ilepleep. Agham ngar eta pani mako. Mindai ta apakur taumim aghe yam arau kat pa Maaron ngar tooni? Imin ta yam awatagh katin ngar tooni, kanan lolomim ipatanan pa ngar tau njeer tana ighamu na, ve aziire pa lupuuŋ tsiam.

<sup>3</sup> Onoon, yau taug naleep tomani gham mako. Eemon ngar tsiau, ene ighengheen tsiam, ve Maaron Avuvu ilup ghiit le imin ta itinja talepleep. Njeer tau igham ngar saghati tana, atuya tau pale izaa tooni, ene naghham ngar pani wa. \*

<sup>4-5</sup> Tauvene yau nasaav payam tauvene: Yam aat alup gham ila Tiina toit Yesu Krisi eeza, ve ila uraat to Maaron Avuvu, yau pale naleep tomani gham paam, ve Tiina toit Yesu tapiri izaa tsiam. Mako aziir njeer tawe pa lupuuŋ tsiam, ve aghuru ila Sadan niima, ve iyamaan katin patanani to lepoogh tauvene. Leso itoor ngar tooni, ve ipul ngar to lolo munŋaana ileple, ve saawe to Tiina toit Yesu imuul ilam, i aat igham mulin njeer tana, ve ileep poi. \*

*Eez to tataghon dudunjai ngar to Pasova*

<sup>6</sup> Ngar tsiam tau apakur taumim ve aghe arau kat pa Maaron ngar tooni, ene poia mako. Yam awataghi mako? Yis ngiira mon, ene irau igham uraat pa palawa tiina ve ipasaria. \*

<sup>7</sup> Tauvene asik yis tsiam munŋaana isov ilale. Leso lupuuŋ tsiam imin mberet paaghu tau le yis mako. Yau nawatagh: Yam amin mberet paaghu tau le

---

\* **5:3:** 2Tes 3:6; 1Tim 5:20      \* **5:4-5:** Mt 18:18+; Kol 2:5; 1Tim 1:20

\* **5:6:** Mt 16:6+; Ga 5:9; Yems 4:16

yis mako na wa. Pasaa, Kriſi, i imin sipsip toit to Pasova tau tiravu imaat imin watoonrau, leso ireu sosor toit. \*

<sup>8</sup> Tauvene iit aat tataghon ngar to Pasova irau saawe. Ngar saghati to loloon munğaana, iit aat tapuli ileple, imin yes tau tilup zi pa Pasova na, tisik yis toozi munğaana ilale. Ve tapait Maaron toman tintiniin, tagham ngar ngalaanğa mon, ve tataghon saveeŋ onoon toman loloon. Leso tamin mberet paaghu tau le yis mako na, ve tataghon dudunjai ngar to Pasova. \*

<sup>9</sup> Yau nabood rau ee ilat payam, ve nasaav payam tauvene: Yes tau tighurghur boog na, aleep soghan pazi. \*

<sup>10</sup> Saveeŋ tsiau tawe, ene inarui eval tiina to taan tau tighurghur boog ne mako. [Ene inarui yes tau tighur ila to Kriſi ve tighamgham ngar tana.] Pa ighe yam aghe aleep soghan pa tamtamon tisov to taan tau tighurghur boog, ma matazi gabua, ma titombaan tamtamon leso tigham sorokin gabua toozi, ma tibesbees pa maaron karomğa, na yam aat apul taan tane!

<sup>11</sup> Tauvene saveeŋ tau naboode payam na, ngara tauvene: Ighe tamtamon eta isaav ighe i tonvetaz to Kriſi, eemon ighurghur boog, ma maata gabua, ma ibesbees pa maaron karomğa, ma ivevelegh tamtamon ve isiksik saveeŋ sasaghati pazi, ma ighunghun le daaba ikaukau, ma itombaan tamtamon leso igham sorokin gabua toozi, na tamtamon tauvene, agharauu sov. Aleep soghan pani.

---

\* **5:7:** Igham 12:3+; Yo 1:29; 1Pe 1:19

\* **5:8:** Igham 12:18+

\* **5:9:** 2Kor 6:14+; Ep 5:11; 2Tes 3:6, 14

Ghanghaniin paam, yamŋa alup gham sov. \*

<sup>12-13</sup> Yes tau tileep ilonj ila lupuunj to Krisi mako na, yau leg uraat to nagabiiz zi mako. Maaron tauu pale igabiiz zi. Eemon yes tau tileep ilonj ila lupuunj tooni na, iit aat tagabiiz zi pa ŋgar toozi.

Tauvene yam aat ataghon saveenj to Maaron tane:

“Isaav ighe tamtamon saghati eta ileep ila sosomim, na yam aziire ighau.” \*

## 6

*Tapayooz tonjvetaz to Krisi pa savsaveenj ila daaba to taan naghozi sov*

<sup>1</sup> Isaav ighe tsiam eta iitete igham sosor pani, na puughu mindai ta i ipayooze ila yes daaba to taan tau tiwatagh Maaron mako na naghozi? Ngar tsiam tana, mayamim pani mako? Yam awatagh: Zeran tauvene, ŋgar toozi iduduunj ila Maaron maata mako. Tauvene yam aghur patanani tsiam ila tamtamon to Maaron nimazi to tigharaata, o poia.

<sup>2-3</sup> Yam awatagh mako? Saawe to Mbonj Murei, iit tamtamon to Maaron pale tauule pa uraat to gabizoonj tamtamon to taan. Ighe tauvene, puughu mindai ta yam irau agharaat patanani ŋgiira ŋgiira tau aazne tivotvot ila sosomim ne mako? Ve iit pale tagabiiz yes anjela paam. Ighe tauvene, iit irau tagharaat patanani to taan. Pa ene gabua tiina mako. \*

<sup>4</sup> Yes daaba to taan lezi ezazi ila lupuunj to Krisi loolo mako. Puughu mindai ta yam aghurghur

---

\* **5:11:** Mt 18:17; Ro 16:17    \* **5:12-13:** Lo 13:5    \* **6:2-3:** Mt 19:28

pataŋani tsiam to taan ila zeran tauvene nimazi to tigharaata?

<sup>5</sup> Nabood saveeŋ tane payam, leso mayamim pa ŋgar tau aghamghamu na. Mindai, tsiam eta le ŋgar irau to igharaat toŋvetaz to Krisi saveeŋ toozi mako?

<sup>6-7</sup> Eemon yam ataghon eez tauvene mako. Yam apapayooz toŋvetaz tsiam tau tighur ila to Krisi na, ila yes daaba to taan tau tighur ila mako na naghozi. Ŋgar tsiam tana itotoi ighe yam atap wa. Mindai, ighe toŋvetaz tsiam eta itombaan gham to igham sorokin gabua tsiam, ma igham sosor ite paam payam, irau apul sosor tooni mako? \*

<sup>8</sup> Eemon yam ataghon eez tauvene mako. Pasaa, toŋvetaz tsiam tau yamŋa aleep ila lupuuŋ to Krisi loolo na, tauta agham sosor pazi, ve atombaan zi to ayau sorokin gabua toozi.

<sup>9</sup> Yam awatagh mako? Isaav ighe tamtamon eta inoknok ghamuuŋ ŋgar tau iduduuuŋ mako, i irau itaghon Maaron pooz tooni ve ilonŋ ila nugh tooni ne mako. Tauvene agham karom pa taumim sov. Yes tau matazi saghati imin ŋgavuun, yes tau tibesbees pa maaron karomŋa, yes tau tighurghur boog, zitamoot tau timomogheer pa zetazŋa zitamoot siriv,

<sup>10</sup> yes umbuuŋa, yes tau matazi gabua, yes ghunuuuŋa, yes tau matazi izi pa zetazŋa ve tisik-sik saveeŋ sasaghati pazi, ve yes tau titombaan tamtamon to tigham sorokin gabua toozi, tamtamon tisov tau tighamgham tauvene, yes aat irau titaghon pooz to Maaron ve tilonŋ tila nugh tooni

---

\* **6:6-7:** Mt 5:39+; Ro 12:17+; 1Pe 3:9

ne mako. \*

<sup>11</sup> Muun, yam siriv ataghon n̄gar tauvene paam. Eemon aazne, ila uraat to Yesu Krisi, Maaron Avuvu igham uratoi gham. Tauta Maaron igham gham angalaan, ve amin tamtamon tooni patabuyaana, ve aduduun ila i maata wa. \*

*Anoŋaan, ene imin Rumei to Avuvu Patabuyaana*

<sup>12</sup> Yam siriv asavsaav aghe: “Yau irau naghama n̄gar ta naol ne. Gabua eta le n̄galsekiina mako.” Ene poia. Eemon n̄gar isov irau iuul ghiit mako. Ve gabua ite paam. Yau lolog pa gabua saghati eta igham pooz payau ve namin besoonja pani mako. \*

<sup>13</sup> Ve yam siriv asavsaav aghe: “Aniina, ene gabua to apoon. Ve apoon igheen to aniina izila. Ve murei, Maaron pale ipasov gabua ru tana.” \* Ene onoon. Eemon anoŋaan igheen to igham n̄gar saghati imin n̄gavuun mako. Anoŋaan igheen to ibees pa Neer Tiina. Ve Neer Tiina igham n̄gar tiina pa anoŋaan. \*

<sup>14</sup> Aghita. Maaron ipaburigin Tiina toit Yesu pa mateegh wa. Ve murei, Maaron tapiri pale

---

\* **6:10:** Ga 5:19+; Ep 5:5; Hib 12:14; Syg 21:8, 22:15      \* **6:11:**

1Kor 1:2; Ep 2:1+; Kol 3:7+      \* **6:12:** Yo 8:34; 1Kor 10:23

\* **6:13:** Saveen to aniina ve apoon, ene izaa to zitamoot ve zilivaa anoŋazi. Yes eval to nugh Korin matazi saghati imin n̄gavuun. Ve n̄gar toozi ikau tigue: Zilivaa anoŋazi, ene igheen to zitamoot timogheer pazi mon. Ve saa n̄gar tau ighe tamtamon tigham pa anoŋazi, ene kaut sorok. Irau igham gabua eta pa anunuzi mako. Pasaa murei, anoŋazi pale imaat gha ilale, ve anunuzi mon, o ileep maata yaryaare.      \* **6:13:** 1Tes 4:3+

ipaburigin ghiit paam pa mateegh ve igham leen anooᅇaan paaghu. \*

15 Yam awatagh mako? Anooᅇamim, ene Krisi anooᅇa siriv siriv. Mindai, isaav ighe tagham Krisi anooᅇa sirivu ve talupu tomania livaa to eez, pale poia? Mako kat! \*

16 Yam awatagh mako? Isaav ighe tamoot eta ipaak anooᅇa ila livaa to eez anooᅇa, ene yesuru tivalupu zi timin eemon. Saveeᅇa igheen pataghaaᅇ wa:

“Yesuru pale tivalupu zi timin eemon.” \*

17 Eemon tamtamon tau imin Tiina toit le na, ila uraat to Maaron Avuvu, yesuru Krisi tivalupu zi timin eemon. Mindai, tamtamon tauvene irau ilup ghi tomania livaa to eez muul? Ene aat mako. \*

18 Tauvene ᅇgar to mataan saghati imin ᅇgavuun, yam aleep soghan pani. Pa ᅇgar tane imin sosor siriv mako. Sosor toit siriv tiᅇarui tauun anooᅇaan mako. Eemon tamtamon tau ighe igham ᅇgar tane, ene igham sosor pa tauu anooᅇa. \*

19 Yam awatagh mako? Anooᅇamim, ene imin rumei to Avuvu Patabuyaᅇ ileep ilooᅇ ila. Pasaᅇ, Maaron igham Avuvu payam, ve aazne i ileep ila lolomim. Tauvene yam aᅇgin taumim muul mako. \*

20 Maaron ighol gham pa gabua tau atuya tiina kat gha amin i le wa. Tauvene saa ᅇgar tau ighe

---

\* **6:14:** Ro 8:11; 2Kor 4:14    \* **6:15:** 1Kor 12:27; Ep 5:30    \* **6:16:** Gnp 2:24    \* **6:17:** Yo 17:21+; 1Kor 12:13; Ep 4:4    \* **6:18:** Ep 5:3; 1Tes 4:3; Hib 13:4    \* **6:19:** Ro 14:7+; 1Kor 3:16+; 2Kor 6:16



aghamu pa anoŋamim, na aghamu to apaghazonŋai Maaron eeza tiina tomania tapiri ve poia tooni. \*

## 7

### *Vaiŋ ŋgara siriv*

<sup>1</sup> Aiyo, naghe nayol saveeŋ siriv tau aboode ila rau tsiam na. Yam asaav tauvene: “Isaav ighe tamoot eta itut livaa eta mako, ene poia.”

<sup>2</sup> Eemon ŋgar to ghuruuŋ boog, ene ivot imin tiina. Tauvene isaav ighe tamoot eta yesuru azaawa tileep soghan pa tauzi, ve tiluplup zi pa ghenoon mako, ene poia mako. Poia to yesuru tilup zi.

<sup>3</sup> Vaivainŋa aat titaghon vaiŋ ŋgara. Isaav ighe livaa eta ighason azaawa ighe yesuru tigheen, ene tamoot aat iyok pani. Ve tamoot tauvene paam. Isaav ighe ighason azaawa ighe yesuru tigheen, ene livaa aat iyok pani. \*

<sup>4</sup> Livaa iŋgin tauu anoonŋa mako. Azaawa tamoot ta iŋgini. Ve tamoot tauvene paam. I iŋgin tauu anoonŋa mako. Azaawa livaa ta iŋgini.

<sup>5</sup> Tauvene yam vaivainŋa aŋguruut taumim sov. Eemon isaav ighe yamru azuwam aghe asapaar pa taumim, leso apul sooso rig pa sunuun, ene poia. Eemon murei, yamru aat avalupu gham muul. Mako pale irau atatan ghaara tsiam mako, ve Sadan iwat gham gha atap.

<sup>6</sup> Saveeŋ tau nasavia pa saparoon ne, nasavia to naghām ŋgar payam mon. Ve napariaaŋa imin tutuun to ataghoŋi ne mako.

---

\* **6:20:** 1Kor 7:23; Pil 1:20; Hib 9:12; 1Pe 1:18+      \* **7:3:** Igham 21:10

<sup>7</sup> Yau naghe le tamtamon tisov tivai mako imin yau, o poia. Eemon Maaron ighur leen lepoogh maata maata. Tauta siriv tivai, ve siriv tivai mako. Ve saa lepoogh tau i igham pait, ene poia tooni pale igheen tomani ghiit. \*

*Saveeņ injarui yes osa ve zinaara*

<sup>8</sup> Aiyo, yam osa ve zinaara, yau nasaav payam tauvene: Isaav ighe avai muul mako, ve aleep imin yau, ene poia.

<sup>9</sup> Eemon isaav ighe yam irau atatan ghaara tsiam mako, na avai lak. Mako pale ghaara tsiam ipazaagh gham ve agham sosor. \*

*Vaivainja irau tipul azuwazņa mako*

<sup>10</sup> Ve yam vaivainja, yau naghur tutuun tane payam: Livaa eta irau ipul azaawa ve irav motin vain tooni mako. Saveeņ tane, ene yau taug saveeņ tsiau mako. Ene Tiina toit tauu aliņa.

<sup>11</sup> Ve isaav ighe livaa eta ipul azaawa ve irav motin vain toozi, ene i irau ivai muul mako. Ileep mon. Ve ighe mako, i aat imuul ila pa azaawa munğaana, ve yesuru tilup zi muul toman lolozi eemon. Ve yes zitamoot tauvene paam. Tiziir azuwazņa sov. \*

*Saveeņ siriv tau injarui yes tau azuwazņa tighur ila mako*

<sup>12</sup> Ve yam siriv tau azuwamimņa tighur ila to Krisi mako na, yau nasaav payam tauvene. Isaav ighe tonvetaz eta to Krisi azaawa ighur ila mako, ve livaa iyok pa lepoogh toozi tawe, ene tamoot tana

---

\* **7:7:** Mt 19:11+    \* **7:9:** 1Tim 5:14    \* **7:11:** Mal 2:16; Mt 5:32, 19:3+; Mk 10:11+

irau irav motin vaiņ toozi mako. Saveeņ tane, ene Tiina toit aliņņa mako. Ene yau ņgar tsiau.

<sup>13</sup> Ve isaav ighe livaa eta azaawa ighur ila to Kriši mako, ve tamoot iyok pa lepoogh toozi tawe, ene livaa tana paam irau irav motin vaiņ toozi mako.

<sup>14</sup> Pasaa, livaa ma tamoot tau ighe ighur ila, ene i imin eez pa azaawa tau ighur ila mako na, leso imin Maaron le. Imin ta mako, kanaan natmimņa tisaghat ila Maaron maata. Eemon mako. Yes paam timin Maaron le. Pasaa, yam ta amin eez pazi.

<sup>15</sup> Eemon isaav ighe tonvetaz eta to Kriši azaawa ighur ila mako, ve azaawa tana ņgar tooni iyaryaan kat ighe irav motin vaiņ toozi, ene i tau ighur ila na irau iyok pani, ve ipuli ila. ņgar tauvene, le ņgalsekiinņa mako. Pasaa, Maaron ighe iit tataghon ņgar luuma. \*

<sup>16</sup> Yo livaa tau ughur ila na, uwatagh mako. Pale umin eez pa azuwam tamoot ve Maaron igham mulini. Ve yo tamoot tauvene paam. Uwatagh mako. Pale umin eez pa azuwam livaa, ve Maaron igham mulini. \*

*Saa lepoogh tau Maaron igham pait, ene loloon poia pani mon*

<sup>17</sup> Saa lepoogh tau Tiina toit ighuru pait, ene loloon poia pani mon. Tauvene lepoghaan tau taghamu indeeņ saawe tau Maaron ipoi ghiit tamin i le na, tayok pani mon. Saveeņ tane, yau napaduduun lupuun to Kriši pani irau nugh nugh.

---

\* **7:15:** Ro 12:18, 14:19      \* **7:16:** 1Pe 3:1

<sup>18</sup> Tauvene isaav ighe ñeer eta tirav waaro, ve murei Maaron ipoi imin le, ene ñeer tana iil eez to tigharaat tiini sov. Ve isaav ighe tamoot eta tirav waaro mako ve Maaron ipoi imin le, ene igham ñgar pa tirav waaro sov.

<sup>19</sup> Pa isaav ighe tirav waroon, ma tirav waroon mako, ene kaut sorok. Ve ñgar to taghoniin Maaron tutuun tooni, ene gabua tauu. \*

<sup>20</sup> Tauvene saa lepoogh tau tamtamon enaena tighamu indeen saawe tau Maaron ipoi zi timin le na, yes aat lolozi poia pani ve tileep tauvene.

<sup>21</sup> Isaav ighe yo besoonja sorok, ve Maaron ipoi ghom umin le, na lolom ipatanjan pa uraat tsio sov. Eemon isaav ighe eez eta ivot to upas taum pa uraat tsio tana, ene poia. Utaghoni mon.

<sup>22</sup> Pa ighe tamtamon eta imin besoonja sorok, ve Tiina toit ipoi, ene tamtamon tana imin besoonja muul mako. Onoon, uraat to besoonja, i pale ighamu. Eemon Krisi ipasu pa saghati tapiri tau muun ikisi na, ve i imin Krisi le wa. Ve tamtamon tau ighe i besoonja mako ve ingin tauu, ve Krisi ipoi imin le, ene i besoonja to Krisi. \*

<sup>23</sup> Aghita. Maaron ighol gham pa gabua tiina gha amin i le wa. Tauvene amin besoonja pa ñgar to tamtamon sov. \*

<sup>24</sup> Tauvene yam tonvetaz, saa lepoogh tau iit enaena taghamu indeen saawe tau Maaron ipoi ghiit tamin le na, iit aat tapaak ila to Maaron ve tataghoni tauvene mon gha ila.

*Saveen ñjarui yes tau tivai soone*

---

\* **7:19:** Ro 2:25; Ga 5:6, 6:15      \* **7:22:** Yo 8:36; Ga 3:28; Kol 3:24;  
1Pe 2:16      \* **7:23:** 1Kor 6:20; 1Pe 1:18+

<sup>25</sup> Yau leg saveeņ siriv pa yes tau tivai soone. Saveeņ tane, ene tutuuņ ęar Tiina toit isavia ne mako. Ene yau taug ęar tsiau. Eemon Tiina toit igham poghani ghau, ve igham leg ęar. Tauvene yam irau aghur ıla saveeņ tsiau tane, ve ataghoni.

<sup>26</sup> Aazne, iit taleep ıla saawe to pataņani. Tauvene yau naghita naghe: Saa lepoogh tau aazne iit eņaeņa taghamu, ene poia to taleep tauvene mon gha ıla.

<sup>27</sup> Tauvene isaav ighu yo uvai wa, na uil eez to urav motin vaiņ tsiam ve uziir azuwam sov. Uleep tomania azuwam tana. Ve isaav ighu uvai soone, na uzuari ghom pa vaiņ sov.

<sup>28</sup> Eemon isaav ighu uvai, ene poia paam. Ugham sosor mako. Ve zilivaa mbiwa tauvene paam. Isaav ighu tivai, ene tisor mako. Eemon yau nawatagh: Lepoogh to vaivaiņa, yes pale tindeņ pataņani naol. Ve lolog pa pataņani tauvene igham gham sov. Tauta nasavia saveeņ tane payam.

### *Tagham ęar tiina pa gabua to taan sov*

<sup>29</sup> Yam toņvetaz, saveeņ tsiau tane, puughu tauvene. Saawe ılam ıgharau wa. Tauvene aazne ve ıla, tagham ęar tiina pa lepoogh toit to taan sov. Tauvene vaivaiņa zitamoot, yes aat tileep imin yes tau lezi azuwazņa mako. \*

<sup>30</sup> Ve yes tau loloji ipataņan na, yes aat tileep imin yes tau loloji ipataņan mako. Ve yes tau loloji poia na, yes aat tileep imin yes tau loloji poia mako. Ve yes tau tigholghol lezi gabua na, yes aat tigham

---

\* **7:29:** Ro 13:11+; 1Kor 10:11; 1Pe 4:7

ngar tauvene: Gabua tawe, ene to tauzi, leso tikisi igheen malau mako.

<sup>31</sup> Ve yes tau tighamgham uratoi gabua to taan na, ngar toozi isaghav gabua tawe geeg sov. Pa iit tawatagh: Taan tane tomania ngara, ene irau igheen le alok mako. Ighe isov tane. \*

<sup>32</sup> Yau naghe patanani naol to taan igham lolomim bubu ve agham ngar naol sov. Tauta nasavia saveen tane. Neer mbiu tau ighe ighur ila to Krisi, i ighamgham ngar tiina pa Tiina toit ve uraat tooni, ve izuari ghi ighe le igham Krisi loolo poia.

<sup>33</sup> Eemon neer vaivain, i ighamgham ngar naol pa gabua to taan, ve izuari ghi ighe le igham azaawa loolo poia. \*

<sup>34</sup> Tauvene ngar tooni imin ru. Ve yes zinaara ve zilivaa mbiwa tau tighur ila to Krisi na, tauvene paam. Tighamgham ngar pa Tiina toit ve uraat tooni, ve tizuari zi tigde le tighur ngar toozi ve lolozi, tomania anoñazi isov imin i le kat. Eemon zilivaa vaivain, tighamgham ngar naol pa gabua to taan, ve tizuari zi to tigham azuwazña lolozi poia. \*

<sup>35</sup> Saveen tsiau tane, nasavia to nangalsekin gham pa vain mako. Ene nasavia to nauul gham, leso gabua eta to taan ireu ngar tsiam sov, ve apul taumim kat pa Tiina toit ve uraat tooni, ve ataghon ngar duduunja mon ila i maata.

<sup>36</sup> Isaav ighe neer eta igham ngar ighe i irau ivai

---

\* **7:31:** 2Pe 3:11+; 1Yo 2:15+; Syg 21:1    \* **7:33:** Lu 14:20    \* **7:34:** 1Tim 5:5

mako, \*

eemon murei maata inġal ighe nġar tau igham pa livaa tau tisiigho pani na, ene iduduun mako, ve nġar tooni iyaryaən ighe i aat ivaii, ene poia to itagħon nġar tooni, ve yesuru tivai. Ene sosor mako.

<sup>37</sup> Eemon isaav ighe nġer eta loolo iyaryaən ighe ivai mako, ve irau itatan għara tooni, ve ighe tamtamon eta inġalsekini pa vain mako, ve i itagħon tauu loolo ve ivai mako, ene igham nġar poia.

<sup>38</sup> Tauvene nġer tau ighe ivai, ene igham nġar poia. Ve nġer tau ighe ivai mako, ene igham nġar poia kat. \*

<sup>39</sup> Isaav ighe livaa vaivain eta azaawa ileep maata yaryaare, ene livaa tana irau irav motin vain toozi mako. I aat ileep tomania azaawa. Ve isaav ighe murei azaawa imaat, ve livaa tana ighe ivai muul, ene poia. I igham sosor eta mako. Eemon ivai sorok sov. I aat ighita le nġer eta tau ighur ila to Tiina toit, o ivaii. \*

<sup>40</sup> Eemon yau naghita naghe: Yes zinaara tau tivai

---

\* **7:36:** Tamtamon siriv to Korin aat tigham nġar tigde nġar to vain, ene poia geeg ila Maaron maata mako. Tauta Paulus ibood saveen tane. Nġara siriv, matazi inġal tigde saveen tane inġarui Korin siriv tau tiyokia natuzlivaņa pa vain mako. Ve nġara siriv, matazi inġal tigde saveen tane inġarui zeran siriv tau tisiigh zilivaa pazi, eemon yes rekia tivai zi mako. Tauvene zilivaa tawe tisanjan tisanjan le ndaman toozi izala wa. Ve nġara siriv, matazi inġal tigde saveen tane inġarui tamtamon siriv tau tivai, eemon yesņa azuwazņa tiluplup zi pa ghenoon mako. Pasaa, tiroi: Isaav ighe yesņa azuwazņa tivalupu zi pa ghenoon, ene pale ipoon zi pa Maaron. \* **7:38:** Hib 13:4 \* **7:39:** Ro 7:2+; 2Kor 6:14

muul mako, ve tileep sorok na, yes pale tintinivi ve poia tiina to Maaron iza toozi iliiv yes tau tivai muul na. Saveenj tane, yau naghita naghe Maaron Avuvu igham pooz payau ve nasavia.

## 8

*Paulus isavia watoonrau tau tamtamon tigham zi pa maaron karomnja*

<sup>1</sup> Aiyo, naghe nasaav rig pa gabua tau tigham zi timin watoonrau pa maaron karomnja na.

Yam siriv asavsaav aghe: “Yei nisov lemai ngar. Nikankaan pa gabua tawe ngara mako.” Ene poia. Eemon ayamaan gham. Pa ngar toit, ene igham ghiit tapakur tauun ve taghe taliiv zetaanja siriv. Eemon ngar to loloon pa tauun, ene igham ghiit tail eez to tauul zetaanja ve tapalot zi. \*

<sup>2</sup> Isaav ighe tamtamon eta igham ngar ighe i irau kat pa ngar, ene itotoi ighe i igham ngar irao soone. \*

<sup>3</sup> Eemon isaav ighe tamtamon eta loolo igheen to Maaron, ene Maaron iwataghi, ve ighamu imin le wa.

<sup>4</sup> Aiyo, yam aghason ghau aghe irau taghan gabua tau tirav zi imin watoonrau pa maaron karomnja na, ma mako?

Iit tawatagh: Maaron karomnja ta naol ne, ene Maaron tauu mako. Ene gabua anunuzi sorok. Pasaa, Maaron eemon ta ilepleep. Ite paam mako. \*

---

\* **8:1:** Mbanj 15:20; Ro 14:3

\* **8:2:** 1Kor 3:18, 13:12; Ga 6:3

\* **8:4:** 1Kor 10:19+; Ga 4:8; Ep 4:5+



<sup>5</sup> Onoon, tamtamon tighur ila to gabua maata maata to sambam saamba ve taan, ve tiwaat zi tighe ‘maaron toozi’ ve ‘tiina toozi.’

<sup>6</sup> Eemon iit taghur ila to Maaron eemon. I Tamaan tau imin puughu pa gabua tisov, ve iit taleep to tabees pani. Ve taghur ila to Tiina toit eemon. Ene Yesu Krisi. I ta imin eez pa gabua tisov tivot, ve i ta imin puughu pa lepoogh toit. \*

<sup>7</sup> Eemon tamtamon siriv tau ghuruun ila toozi iyaryaan soone na, tighilaal gabua tane mako. Pasaa, muun ve ilam, tibesbees pa maaron karomnja. Tauvene aazne, isaav ighe tighan gabua eta tau tighamu imin watoonraun pa maaron karom eta, ene tiyamaan tauzi tighe tigham sosor ve tisaghat ila Maaron maata. \* \*

<sup>8</sup> Onoon, gabua ta naol ne, isaav ighe taghan zi, ma taghan zi mako, ene irau igham ghiit tagharau Maaron, ma ipoon ghiit pani ne mako. Pa gabua tauvene irau igham ghiit tamin popoiaan, ma tasaghat ila Maaron maata ne mako. \*

<sup>9</sup> Eemon yam tau aghazoon pa gabua tane, ve awatagh aghe Maaron ingalsekin ghiit pa ghaniin gabua eta mako na, ayamaan gham. Pa ighe aghan gabua tauvene, ene pale agherev yes tau ghuruun ila toozi iyaryaan soone na, gha titap pa

---

\* **8:6:** Yo 1:3+; Mbanj 17:28; Ro 11:36; Kol 1:16      \* **8:7:** Saawe tau yes matazi dodoli tigham watoonraun, zeran to watoonraun tirav gabua tawe, ve timoz miiza sirivu izala artaal ilon ila rumei to maaron karom tawe. Ve sirivu, ene yes tau tila pa sunjuun na, tighamu tivot tila muuri, ve timozi gha yesja zetazja siriv tighani, ma tighamu ila nugh to gholgholiin, leso tamtamon tigholi. \* **8:7:** Ro 14:23; 1Kor 10:28+      \* **8:8:** Mk 7:19; Ro 14:14

ghuruuŋ ila toozi. \*

<sup>10</sup> Yo tau ughazooŋ pa Maaron ŋgar tooni na, isaav ighe ughan ilonj ila rumei to maaron karom eta, ene poia. Eemon ighe ŋeer eta tau ghuruuŋ ila tooni iyaryaŋ soone ve iroiroy pa ghaniinj gabua tauvena, ighit ghom, ene aat ipazaagha to ighan gabua tawe paam. Tauvene murei, i pale iyamaan ighe i igham sosor ila Maaron maata.

<sup>11</sup> Uyamaan ghom wa? Ŋeer tau ghuruuŋ ila tooni iyaryaŋ soone ve iroiroy pa ghaniinj gabua tauvene, i tonjvetaz tsio tau Krisi imaat pani. Eemon ŋgar tau ughamu na, ene ivaghamunia.

<sup>12</sup> Yam aat matamim injal tonjvetaz tsiam siriv tau ghuruuŋ ila toozi iyaryaŋ soone na. Isaav ighe agham zi tiyamaan tighet igham sosor, ve lolozi ipatanan, ene yam agham sosor pazi, ve agham sosor pa Krisi paam.

<sup>13</sup> Tauvene isaav ighe gabua eta tau taghani irau igham tonjvetaz tsiau eta to Krisi itap pa ghuruuŋ ila tooni, ene irau naghan gabua tana muul mako. Pa aat naghama tonjvetaz tsiau tana itap ma vene. \*

## 9

*Puughu tau Paulus izor atuya tau yes Korin tighet igham pani na*

<sup>1</sup> Yau tane, tamtamon eta injin ghau mako. Yau nanjin taug. Ve ezag pa uraat to mbanjoŋa, ve naghit katin Tiina toit Yesu. Ve uraat tau naghama toman Tiina toit tapiri na, anooŋa tooni, ene

---

\* **8:9:** Ro 14:13+; Ga 5:13      \* **8:13:** Ro 14:19+

lupuun tsiam. Yam Korin aghilaal gabua naol tane, ma mako? \*

<sup>2</sup> Onoon, tamtamon siriv tighita tigde yau mbanjoona tauu to Krisi mako. Eemon yam, o awatagh. Pasaa, uraat tau naghamu ila sosomim ve ighur anoonja ivot, tauta ipaghazonjai ghau ighe yau mbanjoona tauu to Tiina toit.

<sup>3</sup> Yes tau tigabiiz ghau tigde yau mbanjoona tauu mako na, yau nayol saveen toozi tauvene:

<sup>4</sup> Mindai, yei tau nighamgham uraat to Tiina toit ne, lemai ezamai to nigham aniiñ ve yaa imin uraat tsiei atuya, ma mako? \*

<sup>5</sup> Onoon, yei uraata siriv nivai mako. Ve imin ta nivai ve azuwamaija tighur ila, kanaan irau nigham zi ve yeja nilaghlaagh pa uraat to Krisi imin Petrus tomania mbanjoona siriv ve Tiina toit tazna tighamghamu.

<sup>6</sup> Ma mindai, yam aghe yeiru Banabas mon nigham uraat pa nimamai, leso niuul taumai pa lepoogh tsiei, ve yes siriv mako?

<sup>7</sup> Agham ngar pa yes zaaba. Toozi eta iil le maet ve aniiñ to ingin tauu pa lepoogh tooni? Mako. Ve isaav ighe tamtamon eta ivazogh vaen, pale tauu irau ighan anoonja mako? Mako. I pale ighan. Ve mindai, nginiin to sipsip ve mekmek irau igham tuz toozi ve ighunu, ma mako? \*

<sup>8-9</sup> Mindai, saveen tsiau tane, yau nasavia itaghon ngar to tamtamon? Mako. Pasaa, tutuun to Mose isavia saveen raraate tauvene:

---

\* **9:1:** Mban 9:3+; 1Kor 3:5, 4:15      \* **9:4:** Lu 10:8      \* **9:7:** 2Tim 2:6

“Isaav ighe bapolo ighamgham uraat pa vag-hazoonj wit lesou uuli imolav, na upoon aavo sov.

I paam irau ighan siriv.” \*

Mindai, Maaron igham n̄gar pa bapolo mon ve ighur tutuunj tane?

<sup>10</sup> Mako. I isavia saveenj tane in̄arui ghiit paam. Aghita. Yes tau timbut taan pa vazoghiinj aniiñ, ve yes tau tindou wit ve tigham uraat pa walavoonj uuli na, yes irau tighur matazi tigha murei pale uum taama ighur lezi abuzi. Puughu tane ta tibood tutuunj tane pait.

<sup>11</sup> Saawe tau nigham uraat ila sosomim, yei niva-zogh uuv popoia to Avuvu Patabuyaanj. Tauvene isaav ighe yam apamuul gabua siriv to auul ghei pa lepoogh tsiei, ene iduduunj. Ma mindai? Aghita aghe yei nighur matamai payam pa gabua tiina eta? \*

<sup>12</sup> Zeran siriv, yam aghit zi aghe yes lezi ezazi to tigham uleenj ilat tsiam. Ene poia. N̄gar tana iduduunj. Eemon yei, o iduduunj kat to nigham uleenj siriv ilat tsiam.

Eemon muunj ve ilam, yei niyok payam to auul ghei mako. Pa aat ipoon eez pa vaaru poia to Krisi. Onoon, eez tau nitaghoni pa uraat tsiei, ene igham patañani payei. Eemon saa patañani tau ighe ivot payei, yei irau nibaado. \*

<sup>13</sup> Yam awatagh mako? Yes tau tighamgham uraat ila Rumei to Maaron loolo na, tighanghan aniiñ to rumei. Ve isaav ighe tamtamon tigham gabua eta imin watoonjrau, ene tighur gabua tana

---

\* **9:8-9:** Lo 25:4; 1Tim 5:17+    \* **9:11:** Ro 15:27; Ga 6:6    \* **9:12:** Mbanj 20:33+; 2Kor 11:7+; 1Tes 2:9

sirivu izala artaal imin watoonrau, ve sirivu izi pa yes tau tighamgham uratoi watoonrau na, leso tighani. \*

<sup>14</sup> Yes tau tivovotia vaaru poia na, tauvene paam. Tiina toit ighur tutuunj pait ighē: Yes aat tigham lezi atuya pa uraat toozi to votiaan vaaru poia. Leso iuul zi pa lepoogh toozi. \*

<sup>15</sup> Tauvene yau leg ezag to naghām leg atuya pa uraat tsiau. Eemon muunj ve ilam, nayok pa ngar tauvene mako. Ve aazne paam, nabood saveen tane to napaburigin gham, leso aghām leg atuya ne mako. Lolog pa ngar tauvene mako kat! Pasaa, eez tau nataghoni pa uraat tsiau, tauta napakur ghau pani. Tauvene saawe tau naleep matag yaryaare, irau nayok payam to aghām leg uleenj eta ne mako. Aleep, namaat nala, o saa ngar tau aghe aghamu, na aghamu lak! \*

<sup>16</sup> Isaav ighē yau navotia vaaru poia, ene leg pu-ughu eta to napakur taug ne mako. Pasaa, Maaron tauu ighur uraat tane ila nimag. Tauvene yau aat naghām. Isaav ighē navotia vaaru poia mako, ene yau nakaria taug. \*

<sup>17</sup> Ve imin ta naghām uraat tane itaghon taug lolog, kananj naghām ngar pa leg atuya. Eemon mako. Pasaa, namin besoonja to Maaron, ve i inumeer ghau ve ighur uraat tane ila nimag. \*

<sup>18</sup> Tauvene saa ta pale naghām imin leg atuya? Atuya tsiau, ene vene: Saawe tau navotia vaaru poia pa tamtamon, yau napoi pa atuya tau ezag

---

\* **9:13:** Wkp 6:16, 26; Lo 18:1      \* **9:14:** Lu 10:7; 1Tim 5:17+

\* **9:15:** Mbanj 18:3, 20:34; 2Kor 11:10      \* **9:16:** Yer 20:9; Mbanj

26:16+; Ro 1:14+      \* **9:17:** 1Kor 4:1; Ga 2:7; Kol 1:25

pani ne mako. Nagham uraat pazi sorok. Ve ngar tane, ta igham ghau tintinig ve lolog poia. Atuya tsiau, tauta ene.

*Paulus itaghon tamtamon gabuazi, lesu igherev zi timin Krisi le*

<sup>19</sup> Yau tane, tamtamon eta ingin ghau mako. Nanjin taug. Eemon taug lolog ve namin besoonja pa tamtamon tisov, lesu nagherv tamtamon katiini timin Krisi le. \*

<sup>20</sup> Tauvene saawe tau naleep tomania yes Yuda, yau nataghon zi pa gabuazi, lesu nagherv zi timin Krisi le. Onoon, yau naleep ila tutuun toozi saamba mako. Eemon saawe tau naleep tomani zi, naleep imin yes tau tileep ila tutuun saamba na, lesu nagherv zi timin Krisi le. \*

<sup>21</sup> Ve saawe tau naleep tomania nugh nugh tau tikankaan pa tutuun to yes Yuda na, yau nataghon gabuazi, ve naleep imin yes tau tikankaan pa tutuun tawe. Pasaa, naghe le nagherv zi paam timin Krisi le. Eemon yau nazoor tutuun to Maaron mako. Pasaa, yau naleep ila tutuun to Krisi saamba.

<sup>22</sup> Isaav ighe naleep tomania yes tau ghuruun ila toozi iyaryaan soone, yau nataghon zi pa gabuazi ve lepoogh toozi. Lesu napaburigin ghuruun ila toozi ve tileep tunja ila to Krisi. Tauvene yau nataghon tamtamon tisov gabuazi ve lepoogh toozi, lesu nagham mulin tamtamon toozi siriv. Saa eez tau irau iuul zi, ene yau nataghooni. \*

---

\* **9:19:** Mt 20:26+; Ga 5:13  
Ro 15:1+; 1Kor 10:33

\* **9:20:** Mbanj 16:3, 21:26

\* **9:22:**

<sup>23</sup> Tauvene n̄gar isov tau naghhamgham zi ne, ene to vaaru poia ilaan irau tamtamon tisov. Leso yeŋa nighita poia to Maaron iza tsiei.

*Mataan pirik parak pa parlosaan to Maaron*

<sup>24</sup> Iit tawatagh: Isaav ighe parlosaan eta ivot, ene yes to landoon pale tisov tilaan. Ve tamtamon toozi eemon, ta pale ilaan le iliiv zeetŋa ve igham le atuya. Tauvene matamim pirik parak pa parlosaan to Maaron, ve alaan toman tapirimim. Leso aliiv ve agham lemim atuya poia. \*

<sup>25</sup> Tamtamon tisov tau tigde tilaan pa parlosaan eta na, tisapaar poi pa gabua maata maata. Leso tilaan toman tapirizi. Ve atuya tau tizuzuari zi pani na, ene igheen malau mako. Rehia mon ve isaghat. Eemon iit, o tazuari ghiit pa atuya poia tau pale igheen le alok. Irau isaghat mako. \*

<sup>26</sup> Yau namin tamtamon tau ilanlaan ve maata ilala ilamlam ne mako. Yau matag iduduun pa nugh tau landoon ila isov pani na, ve nalaan n̄aruini. Ve yau namin n̄eer tau iparav ve isiksik niima soroksorok ne mako. Yau namin n̄eer tau isik niima, ve irav katin tamtamon.

<sup>27</sup> Yau naravrav katin taug anon̄ag, lesu natatan n̄gar sasaghati to lolog mun̄gaana. Pa naroi. Ighe navotia Maaron aliin̄a pa tamtamon, ve n̄gar tsiau siriv isosor, ene pale murei tigham atuya tsiau ila pa tamtamon ite, ve taug naleep sorok. \*

---

\* **9:24:** Pil 2:16, 3:14; 2Tim 4:7+; Hib 12:1      \* **9:25:** 1Tim 6:12; 2Tim 2:5; Yems 1:12; 1Pe 1:4, 5:4      \* **9:27:** Ro 13:14; Pil 3:13+; Kol 3:5

# 10

*Isaav ighe tagham sosor; Maaron pale ighur atuya pait imin muun igham pa yes Israela*

<sup>1</sup> Yam tonjvetaz, yau naghe matamim ingal gabua tau muun ivot pa timbuunja na. Saawe tau yesja Mose tipul Isip, Maaron igham taitai ivot leso ipoon zi ve itotoi eez pazi. Ve yes tisov tileep ila taitai tawe saamba, ve tisov timbut Te Sijsinai ve tila tivoon pa ziige ite. \*

<sup>2</sup> Taitai ve te tawe ngara, ene imin yes Israela tigham yaa. Pasaa, saawe tana ve ila, yes titaghon Mose pa ngar tooni ve tigham lepoogh paaghu.

<sup>3-4</sup> Ve anijn ve yaa tau Maaron Avuvu igham pazi na, yes tisov tighan ve tighun. Yaa tawe ivotvot ila maet to Maaron Avuvu tau itataghon zi pa laghoon toozi. Maet tawe, ene Krisi. \*

<sup>5</sup> Eemon murei, tamtamon toozi katini tizoor Maaron aliinja. Tauta aate yavyav pazi ve irav zi timatmaat izi nugh nginaanja. \* \*

<sup>6</sup> Gabua tau ivot pa yes Israela pa saawe tana, ene imin totoyaan pait. Leso taghilaal, ve loloon ighaar pa gabua sasaghati imin yes sov. \*

---

\* **10:1:** Igham 13:21, 14:22+      \* **10:3-4:** Igham 16:14, 17:1+; Nam 20:1+      \* **10:5:** Tamtamon siriv to Korin tigham ngar tauvene: Yes tigham yaa wa, ve tighanghan pasa. Tauvene isaav ighe timalaan

pa tutuun to Maaron, ene kaut sorok. Pasaa, yaa tau tighamu, tomania pasa tau tighanghani na pale igharaat zi ila Maaron maata. Eemon Paulus isaav pa yes Korin ighe tinumeer yaa ve pasa geeg sov. Pa Maaron irau ighur zi mako. Isaav ighe tizoor aliinja, i pale ivaghamun zi raraate imin muun ivaghamunia timbuunja.

\* **10:5:** Nam 14:29+; Hib 3:17+; Jud 5      \* **10:6:** Nam 11:4; Mbo 106:14



<sup>7</sup> Tauvene yam abees pa maaron karomŋa imin muuŋ yes Israela siriv tighamu na sov. Pa saveeŋ to Maaron isaav tauvene: [Saawe tau yes Israela tigharaat makau pa gol, ve tipait gabua tawe imin maaron toozi.]

“Eval tiina mbolezi izi pa ghanghaniin ma ghunghunuun, ra tipaburigin mogheraan tomania ngar sasaghati naol.” \*

<sup>8</sup> Ve mataan saghati imin ngavuun sov. Pa Israela siriv tigham tauvene, ve tamtamon toozi 23,000 timatmaat pa aaz eemon. \*

<sup>9</sup> Ve tatoov Tiina toit tapiri sov. Pa muuŋ, Israela siriv tigham tauvene, ve moot sasaghati tivot ve tighan zi gha timatmaat. \*

<sup>10</sup> Ve tayau avoon pa Maaron tomania uraata tooni sov. Pa muuŋ, Israela siriv tigham tauvene, ve aŋela tau iravrav tamtamon na, irav zi timatmaat. \*

<sup>11</sup> Gabua isov tau ivot pa yes Israela pa saawe tana, ene imin totoyaŋ pait. Tibood sinain to gabua tawe to ipaduduun iit tau aazne tazaa pa saawe to Maaron ighe ipasov gabua naol isov, lesa tagharaat tauun. Mako pale pataŋani igham ghiit imin muuŋ igham yes Israela. \*

<sup>12</sup> Tauvene isaav ighe tamtamon eta inumeer tauu ighe i iyooz tunja, i aat iyamaan ghi. Mako pale itap. \*

<sup>13</sup> Tovaan tau ivotvot payam na, maata ite paam mako. Tovaan tsiam ta naol ne, raratezi imin

\* **10:7:** Igham 32:6      \* **10:8:** Nam 25:1+; Mbo 106:29; Syg 2:14

\* **10:9:** Igham 17:2-7; Nam 21:5+; Mbo 95:9      \* **10:10:** Nam 14:2-37      \* **10:11:** Ro 13:11; 1Pe 4:7      \* **10:12:** Ro 11:20

tovaan tau monmon ivotvot pa tamtamon tisov. Ve yam irau anumeer Maaron. Pasaa, tovaan tau yam irau abaado mako, ene i irau ipuli ivot payam mako. Ve isaav ighe ipul tovaan eta ivot payam, i pale ighur lemim eez eta to apaghau taumim pani. Leso ayooz ariaan ve aliiv tovaan tana. \*

*Talep soghan pa maaron karomja tomania rumei toozi*

<sup>14</sup> Tauvene yam zeran tsiau, ngar to tabees pa maaron karomja, agharauu sov. Aleep soghan pani. \*

<sup>15</sup> Yam lemim ngar. Tauvene taumim irau agabiiz saveen tau naghe nasavia ne.

<sup>16</sup> Saawe tau taghun vaen ila rubruub, ve tapait Maaron pa poia tooni, ene igham ghiit tapaak Kriisi ve sin tooni imin leen. Ve mberet tau tateeva ve taghani na, tauvene paam. Ene igham ghiit tapaak Kriisi ve miiza imin leen. \*

<sup>17</sup> Ve mberet eemon tau iit tasov taghani, tauta itotoi ighe iit tasov tamin neer eemon anoonja. Ene Kriisi. \*

<sup>18</sup> Ve matamim ingal ngar tau yes Israela titaghoni pa watoonrau toozi. Isaav ighe tigham gabua eta imin watoonrau, ene timoz sirivu izala artaal, ve tauzi tighan sirivu, lesa yesja Maaron tivalupu zi timin eemon. \*

<sup>19</sup> Ighe tauvene, pale tasaav mindai pa maaron karomja ve watoonrau tau tamtamon

---

\* **10:13:** 1Kor 1:9; 1Tes 5:24; 2Pe 2:9  
6:16+; 1Yo 5:21 \* **10:16:** Mk 14:22+  
1Kor 12:13, 27 \* **10:18:** Wkp 7:15

\* **10:14:** Mbanj 15:20; 2Kor  
\* **10:17:** Yo 6:33+; Ro 12:5;

tighamgham pazi na? Ene gabua tauu? Mako. Maaron toit mon ta Maaron tauu. \*

<sup>20</sup> Watoonrau tau yes matazi dodoli tighamgham zi ila rumei toozi loolo na, ene tigham zi pa Maaron tauu mako. Tigham zi pa avuvu sasaghati. Tau-vene yau naghe yam apaak zi pa ngar toozi tawe sov. Pa ighe apaak zi, ene imin yamņa avuvu sasaghati tawe avalupu gham amin eemon. \*

<sup>21</sup> Aloon. Yam irau aghun ila rubruub to Tiina toit, ve rubruub to avuvu sasaghati paam ne mako. Ve yam irau aghan ila boor to Tiina toit, ve aghan ila boor to avuvu sasaghati paam ne mako. \*

<sup>22</sup> Isaav ighe iit tagham tauvene, ene pale tagham Neer Tiina aate yavyav kat. Pasaa, ngar tooni iyaryaañ ighe taghur loloon ve ngar toit isov ila pani mon. Yam tau aghanghan ve aghunghun ila rumei to maaron karomņa na, agham ngar mindai? Aghe tapiriin iliiv Maaron? \*

*Iit aat tagham ngar tau iuul zetaanņa ve ipait Maaron eeza*

<sup>23</sup> Tsiam siriv tisaav tigde: “Yei irau nigham ngar naol isov. Gabua eta le ngalsekiinņa mako.” Ene onoon. Eemon ngar isov irau iuul ghiit mako. Ve ngar isov irau ipalot ghiit mako. \*

<sup>24</sup> Iit irau tagham ngar pa tauun mon mako. Iit aat tagham ngar pa zetaanņa paam, ve tatoova to tauul zi ve tapalot zi pa ghuruun ila toozi. \*

<sup>25</sup> Tauvene yam aat ataghon ngar tane: Isaav ighe aghita gabua eta miiza igheen ila nugh to

\* **10:19:** 1Kor 8:4+      \* **10:20:** Lo 32:17; Syg 9:20      \* **10:21:**

2Kor 6:15+      \* **10:22:** Lo 32:21; Mbo 78:58      \* **10:23:** 1Kor 6:12

\* **10:24:** Ro 15:1+; 1Kor 13:5; Pil 2:4+

gholgholiin, na aghason sov. Agholi ve aghani mon. Agham n̄gar naol sov. \*

<sup>26</sup> Pasaa, Maaron aliiṅa isaav ighe:

“Taan tomania gabua tisov tau tileep ve tigheen ila, ene to N̄eer Tiina.” \*

<sup>27</sup> Ve isaav ighe tamtamon eta ighur ila to Krisi mako, ve isain gham ighe yamṅa aghanhan ve lolomim aghe ala, ene poia. Ala lak. Ve saa aniiṅ tau ighe tigham payam, na aghani mon. Aghason zi pani sov. Pa ighe tipaes payam tighe gabua tana ilam pa rumei to maaron karom eta, ve aghan gabua tana, ene pale agham n̄gar aghe asosor ila Maaron maata. \*

<sup>28</sup> Eemon isaav ighe tamtamon eta ipaes payam ighe gabua miiza tana, ene watoonṅrau sirivu, na yam aghani sov. Pa ighe aghani, ene pale tamtamon tana ighita ighe yam agham sosor, ve i igham n̄gar naol. \*

<sup>29</sup> Onoon, isaav ighe aghan gabua tana, ene pale taumim ayamaan aghe agham sosor ila Maaron maata mako. Eemon yam aat agham n̄gar pa etamim tana. Isaav ighe ighit gham aghan gabua tana, i pale ighita ighe yam agham sosor ve igham n̄gar naol. Eemon isaav ighe tamtamon eta isavia saveṅ tauvene pait mako, iit irau tataghon tauun gabizoonṅ toit pa saa n̄gar ta poia ve saghati. Pu-ughu mindai ta nataghon gabizoonṅ to n̄eer ite? \*

<sup>30</sup> Isaav ighe yau naghan gabua tana toman lolog poia pa Maaron, puughu mindai ta tamtamon ite

\* **10:25:** 1Tim 4:4

\* **10:26:** Mbo 24:1

\* **10:27:** Lu 10:7+

\* **10:28:** 1Kor 8:7+

\* **10:29:** Ro 14:14+

iyau aavo payau? \*

<sup>31</sup> Tauvene isaav ighe yam aghan, ma aghun, ma agham saa ngar ite paam, ene poia. Eemon saa ngar tau aghamu, yam aat aghamu to apait Maaron eeza, ve apaghazonjai tapiri ve poia tooni. \*

<sup>32</sup> Tauvene yam irau agham ngar pa yes Yuda, ve yes Grika tau tighur ila mako na, ve lupuuŋ to Maaron paam. Agham ngar eta to ireu ngar toozi sov. Agham ngar tau iduduun mon ila tamtamon tisov matazi. \*

<sup>33</sup> Leso ataghon ngar tsiau. Aghita. Yau naghham ngar pa taug mako. Saawe isov, natoova to naghham ngar tau popoia mon ila tamtamon tisov matazi. Ve naghham ngar tau pale iuul zi, lesu Maaron igham mulin zi. \*

## 11

<sup>1</sup> Tauvene yam irau ataghon ghau pa ngar tsiau, imin yau nataghon Kriŋi pa ngar tooni. \*

*Tagharaat tauun mindai pa saawe to sunjuun?*

<sup>2</sup> Yau napait gham pa ngar tsiam tau saawe isov matamim ingalngal ghau, ve akis Maaron aliiŋa tau nasavia payam na ariaaŋ. Saveeŋ tana, yau naghhamu ila to tamtamon siriv, ve anag nasakia ilat payam. \*

<sup>3</sup> Ve aazne, naghe yam awatagh kat tauvene: Kriŋi, i imin daaba pa zitamoot tisov, ve zitamoot timin

\* **10:30:** Ro 14:6; 1Tim 4:3+ \* **10:31:** Kol 3:17; 1Pe 4:11 \* **10:32:**

Ro 14:13+; 1Kor 8:13; 2Kor 6:3 \* **10:33:** Ro 15:2; 1Kor 9:19+

\* **11:1:** 1Kor 4:16+; Pil 3:17; 2Tes 3:7+ \* **11:2:** 2Tes 2:15; 2Tim 1:13+

daaba pa azuwazɲa. Ve Maaron ta imin daaba pa Kriſi. \*

<sup>4</sup> Isaav ighe tamoot eta ipoon daaba pa gabua eta, ve isunɲ ma ivotia Maaron aliinɲa pa tamtamon imin propet, ene ipamayanɲin daaba tooni, ene Kriſi.

<sup>5</sup> Ve zilivaa tau tipoon dabazi mako, ve tisunɲ ma tivotia Maaron aliinɲa imin propet, ene yes tipamayanɲin daaba toozi, ene azuwazɲa. \*

Zilivaa tauvene, ene raratezi imin zilivaa sasaghati tau tiin dabazi, leso tipamayanɲin zi.

<sup>6</sup> Tauvene isaav ighe livaa eta ipakur ghi ve ipoon daaba mako, ene poia to tiin daaba. Leso maaya pa nɲgar tau i ighamu na ve ipuli. Ve isaav ighe livaa eta maaya pa tikot daaba raua izi, ma tiin daaba, ene i aat ipoon daaba.

<sup>7</sup> Eemon zitamoot irau tipoon dabazi mako. Pasaa, yes tigham Maaron naagho, ve tileep to tipakur Maaron eeza pa tapiri ve poia tooni. Ve zilivaa tileep to tipakur azuwazɲa. \*

<sup>8</sup> Aghita. Muunɲ geeg, tamoot ivot ila to livaa mako. Livaa ivot ila to tamoot.

<sup>9</sup> Ve Maaron igham nɲgar pa livaa ve ighur tamoot ne mako. I igham nɲgar pa tamoot, tauta ighur livaa to iuule. \*

---

\* **11:3:** Gnp 3:16; Ep 1:22, 5:23; 1Pe 3:1, 5      \* **11:5:** Yes Korin nɲgar toozi tauvene: Isaav ighe zilivaa tipoon dabazi, ene itotoi zi ighe yes zilivaa popoiazi tau tileep ila azuwazɲa sambazi. Ve ighe livaa eta ipoon daaba mako, ene itotoia ighe i nasolo tinazi, ve loolo pa ileep ila azaawa saamba mako. Grika tinazi lezi eez ru to tipoon dabazi. Ee, ene tigud uuli sirivu izala dabazi imin awedu. Ve ite, ene tipul dabazi raua itum tiina, ve timbuula ve tipoosa izala dabazi.      \* **11:7:** Gnp 1:26+      \* **11:9:** Gnp 2:18+; 1Tim 2:13

<sup>10</sup> Puughu tane ta yes zilivaa irau tipoon dabazi. Leso titotoi tauzi tighe yes tileep ila azuwazña sambazi, ve n̄gar toozi iduduun̄ ila yes ājela matazi. †

<sup>11</sup> Eemon iit zilivaa ve zitamoot tau tapaak Tiina toit Krisi na, irau taleep leen leen mako. Pasaa, zitamoot ve zilivaa irau tivaule zi.

<sup>12</sup> Agham n̄gar pa Adam gha Eva. Imin maata, livaa ivot ila to tamoot. Ve aazne, zitamoot tivotvot ila to zilivaa. Pasaa, zilivaa ta tipoop zi. Eemon Maaron ta imin puughu pa gabua isov.

<sup>13</sup> Yam taumim irau agabiiz gabua tane. Isaav ighe alup gham pa sun̄uun̄, ve livaa eta ipoon daaba mako, ve isun̄ pa Maaron, ene iduduun̄?

<sup>14</sup> Saveen̄ tsiau tane, ene itaghon iit gabuaan paam. Isaav ighe n̄eer eta daaba raua tiina, ene taghita taghe n̄eer tana ipamayan̄in tauu.

<sup>15</sup> Ve isaav ighe livaa eta daaba raua tiina, ene ighamu paghuuna ila tamtamon matazi ve tipakuru. Daaba raua tawe, ene Maaron igham pani, lesa ipoon daaba.

<sup>16</sup> Isaav ighe tamtamon eta izoor alin̄ag tane, ene nasaav pani tauvene: Yei lemai n̄gar ite paam pa gabua tane mako. Ve yei mon mako. Lupuun̄ tisov to Maaron titaghon n̄gar eemon pa gabua tane.

*Yes Korin tivaghamunia n̄gar to ghaniin̄ pasa*

<sup>17</sup> Aiyo, naghe napaduduun̄ gham pa n̄gar tsiam siriv tau iduduun̄ mako. Irau napait gham mako. Pasaa, saawe tau alup gham pa sun̄uun̄, sun̄uun̄ tsiam iuul gham mako. Ivavaghamun gham.

---

† **11:10**: Saawe tau iit talup ghiit pa sun̄uun̄, yes ājela tilepleep tomani ghiit paam. Ughita Epesus 3:10 ve 1Pet 1:12.

<sup>18</sup> Saveeṅ tau naghe nasavia payam imin maata, ene vene: Yau nalooṅ varumim tigde saawe tau alup gham pa ghanghaniṅ ve suṅuṅ na, yam avavalaghi gham ila ṅgun ṅgun, ve avavazorai gham pa savsaveeṅ. Ve naghe saveeṅ tane, ene aat onoon. \*

<sup>19</sup> ṅgar tsiam tau avavalaghi gham, ene poia mako. Eemon ṅgar tauvene aat ivot. Leso tawatagh: Sei ta Kriṅ tamtamon tooni ve ṅgar tooni iduduṅ ila i maata. \*

<sup>20</sup> Saawe tau alup gham pa suṅuṅ, yam ataghon ghanghaniṅ to Tiina toit ṅgara mako.

<sup>21</sup> Pasaa, yam agham ṅgar pa zeetmimṅa ve asañan zi mako. Yam siriv matamim ghanghani, ve amuuṅ ala agham lemim gha aghan. Ve tamtamon tsiam siriv tighun tiina le tisaghat. Tauta zeetmimṅa siriv tau tilam murei na, lezi aniṅ mako ve pitool zi.

<sup>22</sup> Mindai, irau aghan ve aghun izi taumim ruum tsiam mako? Ma aghe avelegh lupuuṅ to Maaron ve apamayaṅin zeetmimṅa siriv tau mbolaṅa na? Pale nasaav mindai payam? Aghe napait gham pa ṅgar tsiam tana? Mako kat! \*

*Paulus ipit saveeṅ to pasa muul  
(Mt 26:26+; Mk 14:22+; Lu 22:17+)*

<sup>23</sup> Saveeṅ tau naghmu ila to Tiina toit ve muuṅ nasavia payam, tauta aazne nayoli muul. Saveeṅ tauvene: Mboṅ tau Yudas ighur Yesu ila koiṅa nimazi, Yesu igham mberet,

---

\* **11:18:** 1Kor 1:10, 3:3    \* **11:19:** 1Yo 2:19    \* **11:22:** Yems 2:5+



24 ve ipait Maaron pani. Ra iteeva ve isaav ighe: “Ene yau mizag. Yau aat napul taug ve namaat payam. Ngar tau naghamu ne, matamim kisini ve ataghoni, lesu matamim ingal ghau.”

25 Tighan le isov, ra itaghon ngar raraate pa rubruub vaen. Ighamu ve isaav pazi ighe: “Rubruub tane, ene sinjig tau pale imalinj ve ipariaanj saveenj mbuaanj to eez paaghu tau pale Maaron yesnja tamtamon tooni tivalupu zi timin eemon. Saawe isov tau ighe yam aghun ila rubruub tane, ataghon ngar tau yau naghamu ne, lesu matamim ingal ghau.” \*

26 Saveenj tane, ngara tauvene: Saawe isov tau aghan mberet tana ve aghun ila rubruub vaen na, avotia mateegh to Tiina toit. Yam aat agham tauvene ila ila le irau muleenj tooni.

27 Tauvene tamtamon tau ighe ighan mberet ve ighun ila rubruub to Tiina toit, ve igham ngar tau iduduunj pa pasa ngara mako, ‡ ene i igham sosor pa Tiina toit miiza ve siinji.

28 Tauvene tamtamon aat tigabiiz poghania tauzi, o tighan mberet tana ve tighun ila rubruub. \*

29 Pasaa, mberet ve vaen, ene izaa to Tiina toit anooja. Tauvene ighe tamtamon eta ighilaal gabua tane mako, ve ighani ma ighunu imin gabua sorok, ene igham sosor. Tamtamon tauvene, Maaron pale ighur atuya pani.

---

\* 11:25: Igham 24:3+; Hib 8:8, 9:15+ ‡ 11:27: Yes Korin tigham ngar naol tau iduduunj pa pasa ngara mako. Pasaa, saawe tau tighan pasa, yes tilup lolozi imin eemon mako. Tivelegh zetaznja siriv tau mbolaanja na, ve tivavalaghi zi tileep lez lez. \* 11:28: 2Kor 13:5

<sup>30</sup> Puughu tane ta tamtamon tsiam katini timo-moroon ve tapirizi imbool. Ve siriv, timaat wa.

<sup>31</sup> Ve imin ta tagabiiz tauun poi ve taghan pasa, kanan Maaron irau ighur atuya tauvene pait mako.

<sup>32</sup> Eemon isaav ighe i igabiiz ghiit ighe tagham soso, ve ilos ghiit to ipaduduun ghiit, ene poia. Mako pale takis ngar saghati toit, ve saawe to Mbon Murei, i ighur atuya pait, ve itina eval tiina to taan talaleen. \*

<sup>33</sup> Tauvene yam tonvetaz tsiau, isaav ighe alup gham pa ghanghaniin ve sunuun, na asanan zeet-mimna le yam asov aghan raraate.

<sup>34</sup> Ve ighe tamtamon eta pitool matini, ene poia to ighan pataghaan izi ruum tooni. Le isov, o ila pa lupuun tsiam. Leso saawe tau alup gham, agham soso ila Maaron maata sov, ve i ighur atuya payam sov. Yau leg saveen siriv ighengheen soone. Eemon irau nasavia aazne mako. Taug nalat peria, o nasavia.

## 12

### *Maaron Avuvu irei uraat ve ngar maata maata pait*

<sup>1</sup> Yam tonvetaz, uraat ve ngar maata maata tau Maaron Avuvu irei zi pait ne, yau naghe yam akankaan pazi sov.

<sup>2</sup> Matamim ingal imuul ila pa muun, saawe tau yam akankaan pa Maaron. Saawe tana, tighegherev gham ala ve asunsun pa maaron karomna tau lezi avozi mako. \*

---

\* **11:32:** Mbo 94:12+; 2Kor 7:10; Hib 12:7+; Syg 3:19 \* **12:2:** Mbo 115:4+; 1Tes 1:9

<sup>3</sup> Tauvene yau naghe nasaav ghazonja payam: Tamtamon tau Maaron Avuvu ighamgham pooz pani na, i irau isik saveen saghati inarui Yesu mako. Ve tamtamon eta irau isaav sorok ighe Yesu, i Tiina toit, ne mako. Maaron Avuvu igham pooz pani, o isaav tauvene toman loolo. \*

<sup>4</sup> Maaron Avuvu ireirei uraat ve ngar maata maata pait. Uraat ve ngar isov tawe, ene Avuvu eemon ta imin puughu pazi. \*

<sup>5</sup> Besoon toit itaghon eez maata maata. Eemon tasov tabees pa Tiina eemon, ene Yesu.

<sup>6</sup> Ve Maaron eemon ta ighamgham uratoi iit tasov, ve ipapalot ghiit, tauta taghamgham uraat maata maata ila i tauu tapiri.

<sup>7</sup> Maaron Avuvu ileep tomania iit tasov, ve ireirei tauu tapiri tomania uraat ve ngar maata maata irau ghiit, leso tapalot lupuun to Krisi pani. \*

<sup>8</sup> Tamtamon ee, Maaron Avuvu ipaghazonjaini pa Maaron ngar tooni, leso ivotia ngar tawe pa tamtamon. Ve ite, Maaron Avuvu igham le ngar popoia siriv, leso ipaduduun tamtamon pani.

<sup>9</sup> Ve ite, Maaron Avuvu eemon tawe ipalot ghu-ruun ila tooni le iyaryaan kat. Ve ite, Maaron Avuvu igham le tapiri to iuul yes moroghoonja ve tinizi poia. \*

<sup>10</sup> Ve ite, i le tapiri to igham gabua ngeretazi. Ve ite, i ivovotia Maaron aliinja pa tamtamon imin propet. Ve ite, i irau ighilaal gabua tau ivotvot

\* **12:3:** Mt 16:17; 1Yo 4:2+

\* **12:4:** Ro 12:6+; Ep 4:11+; Hib 2:4

\* **12:7:** 1Kor 14:26; 1Pe 4:10+

\* **12:9:** Mk 16:17+; 1Kor 13:2; Yems

ne: Maaron Avuvu imin puughu pani, ma avuvu ite paam? Ve ite, Maaron Avuvu ipaburigini gha isavia saveen imin kaolaan tau tamtamon tiloonja, eemon tikankaan pa puughu. Ve neer ite, Maaron Avuvu ipaghazonjaini pa saveen tawe puughu, lesu ivotia pa tamtamon ve tighazonj pani. \*

<sup>11</sup> Ngar ve uraat isov tana, Avuvu eemon ta imin puughu pazi. I ireirei zi irau iit enjaenja itaghon tauu loolo. \*

*Iit tau taleep ila lupuunj to Krisi na, tamin Krisi anoonja siriv siriv*

<sup>12</sup> Iit tawatagh: Anoonjaan, ene eemon. Ve i le gabuaanja katini imin nimaan, agheen, mataan, ve gabua siriv paam. Eemon anoonjaan gabuaanja tisov, ene tilup zi timin gabua eemon. Lupuunj to Krisi, ene ngara raraate mon. \*

<sup>13</sup> Pasaa, iit tamtamon maata maata. Siriv, yes Yuda, siriv Grika. Siriv, besoonja. Ve siriv, besoonja mako, tinjin tauzi. Eemon saawe tau tagham yaa, ila uraat to Maaron Avuvu eemon, iit tamin Krisi le. Ve Avuvu tawe ta ilup ghiit tamin Krisi anoonja eemon. Ve Maaron igham Avuvu eemon pa iit tasov. Avuvu tawe imin yaa maata yaryaare pait ve ipapalot ghiit. \*

<sup>14</sup> Iit tawatagh: Anoonjaan, gabuaanja eemon mako. I le gabuaanja katini.

<sup>15</sup> Aghita. Isaav ighe tamtamon eta aaghe igham ngar tauvene: “Ighe yau namin neer tane niima, kananj poia. Eemon mako. Tauta irau napaak

---

\* **12:10:** Ro 12:6; 1Kor 13:1-2, 14:2+      \* **12:11:** Hib 2:4      \* **12:12:** Ro 12:4+; 1Kor 10:17      \* **12:13:** Yo 7:37+; Ga 3:28; Kol 3:11

anoonja mako.” Pale irau ipul niia, ve ila ileep soghan? Mako. Pasaa, i neer tana anoonja sirivu.

<sup>16</sup> Ve isaav ighe neer tana taliinja igham ngar ighe: “Ighe yau namin neer tane maata, kananj poia. Eemon mako. Tauta irau napaak anoonja mako.” Pale irau ipul niia, ve ila ileep soghan? Mako. Pasaa, i neer tana anoonja sirivu.

<sup>17</sup> Ve mindai? Isaav ighe anoonjan gabuaanja tisov titoor zi timin mataan mon, pale irau taloon saveen? Ma ighe titoor zi timin taliinjan mon, pale irau tanunuz gabua vaazi? Mako.

<sup>18</sup> Iit anoonjan vene mako. Maaron itaghon tauu loolo, ve ighur anoonjan gabuaanja ta naol ne, lesa tighamuur uraat toz toz.

<sup>19</sup> Aghita. Isaav ighe anoonjan gabuaanja tisov titoor zi timin gabuaanja eta mon, pale taghita taghe ene tamtamon anoonja? Mako.

<sup>20</sup> Anoonjan, i le gabuaanja katini. Ve gabuaanja tisov tilup zi timin gabua eemon. \*

<sup>21</sup> Tauvene mataan irau ivelegh nimaan ve isaav ighe: “Ah, yau leg uraat eta payo mako!” Vene mako. Ve dabaan tauvene paam. Irau isaav tauvene pa agheen mako. Pasaa, anoonjan gabuaanja tisov, lezi uraat.

<sup>22</sup> Ve agham ngar pa gabua siriv tau tighen ila loloon ne imin ateen ve kodkodaan. Onoon, taghita gabua tawe taghe ariyanazi mako. Eemon lezi uraat tintiina. Ighe tighen mako, ene pale tamaat.

---

\* **12:20:** Saveen tau Paulus isavia pa anoonjan, ene iza to lupun to Krisi. Pasaa, Maaron Avuvu ilup Krisi tamtamon tooni timin eemon, ve ireirei uraat ve ngar maata maata irau zi, lesa tipalot lupun to Krisi.

<sup>23</sup> Anonjaan gabuaanja siriv tau taghe poia to tamtamon tighit zi mako ve mamayaan pazi ne, ene tapakur zi. Pasaa, monmon mataan ingalngal zi, ve taponpoon zi.

<sup>24</sup> Eemon anonjaan gabuaanja siriv tau popoia to tamtamon tighit zi na, tagham ngar tauvene pazi mako. Tapul zi tighen sorok. Maaron ta ighur anonjaan gabuaanja ta naol ne, ve ilup zi timin eemon. Ve anonjaan gabuaanja siriv tau taghit zi taghe gabua sorok ve lezi ezazi mako ne, i ipakur zi tiliiv anonjaan gabuaanja siriv.

<sup>25</sup> Maaron igham tauvene, lesa anonjaan gabuaanja tivazorai zi ve tivavalaghi zi sov. I ighe tilup zi timin eemon, ve tirarar poi pa tauzi ve tivaule zi. \*

<sup>26</sup> Iit tawatagh: Isaav ighe anonjaan gabuaanja eta iyamaan yavyavuun, ene pale anonjaan isov iyamaan yavyavuun. Ve ighe tipait anonjaan gabuaanja eta, ene pale anonjaan gabuaanja tISOV lolozi poia ve tintinisi.

<sup>27</sup> Lupuun tsiam, ene imin Krisi anooja. Ve yam enjaena amin anooja tana gabuaanja siriv siriv. \*

<sup>28</sup> Lupuun to Krisi, Maaron ighur yes mbanooja to timuun pani, mako yes tau timin propet ve tivotia Maaron aliija pa tamtamon. Ve imin tol pani, ene yes tau tipaduduun tamtamon pa Maaron aliija. Mako yes tau tighamgham gabua ngeretazi, ve yes tau Maaron irei tapiri pazi lesa tiuul moroghoona, ve yes tau tighamgham uraat pa uleen zetazja, ve yes tau lezi ngar pa nginiin uraat, ve yes tau Maaron Avuvu ipaburigin zi gha tisavia saveen

---

\* **12:25:** 1Kor 1:10-12      \* **12:27:** Ro 12:5+

imin kaolaan. \*

<sup>29</sup> Mindai? Tamtamon tisov timin mbanjoonja to Krisi? Ma tisov timin propet ve tivotia Maaron aliinja pa tamtamon? Ma tisov tipaduduun tamtamon pa Maaron aliinja? Ma tisov irau to tigham gabua ngeretazi?

<sup>30</sup> Ma Maaron irei tapiri pa tamtamon tisov lesu tiuul moroghoonja? Ma Maaron Avuvu ipaburigin tamtamon tisov to tisavia saveen imin kaolaan? Ma tisov irau to tivotia saveen kaolaan tawe puughu? Mako.

<sup>31</sup> Tauvene Maaron Avuvu irei uraat ve ngar maata maata pait. Ve yam aat azuari gham to agham uraat ve ngar tau iuul katin lupuun to Krisi. Aiyo, naghe nasavia ngar ee tau poia kat iliiv ngar ta naol ne. \*

## 13

*Ngar to loloon pa tamtamon, ene iliiv ngar isov*

<sup>1</sup> Isaav ighe yau irau nasaav ila nugh nugh alinjazi, ma anjela alinjazi, eemon lolog pa tamtamon mako, ene yau namin belo ma ambam tau itan sorok toman aliinja tiina.

<sup>2</sup> Ve isaav ighe navotia Maaron aliinja pa tamtamon imin propet, ve naghazoon pa ngar tooni yongaanja isov, ve nawatagh katin ngar popoia isov, ve ghuruun ila tsiau iyaryaan kat irau to nasaav ve loloz tighau tila pa ziige ite, ene poia. Eemon isaav ighe lolog pa tamtamon mako, ene yau namin gabua sorok. \*

---

\* **12:28:** Ep 2:20, 4:11+    \* **12:31:** 1Kor 14:1    \* **13:2:** Mt 17:20; 1Kor 12:8, 28

<sup>3</sup> Ve isaav ighe narei gabua tsiau naol isov pa yes mbolaanja, ve napul taug ila Maaron koinja nimazi ve tighur ghau nala yav ighan ghau, eemon lolog pa tamtamon mako, pale naghama saa imin leg atuya? Mako.

<sup>4</sup> Ngar to loloon pa tamtamon, ene vene: Tagham poghania tamtamon. Ve isaav ighe tamtamon tigham patanjani pait, ene pale tayai ghiit, ve tabaado mon. Ve ighe taghita zetaanja lezi gabua katini, ene irau ireu loloon mako. Ve irau tapait tauun ve taghe taliiv zetaanja mako. \*

<sup>5</sup> Ve tagham ngar eta isosor ila tamtamon matazi mako, ve mataan injal tauun mon mako. Ve ateen yavyav soroksorok mako, ve mataan kisin sosor to tamtamon mako. \*

<sup>6</sup> Ve ngar tau ighe iduduun mako na, ene pale tintiniin pani mako. Ve saa saveen ma ngar tau onoon, ene pale loloon poia pani. \*

<sup>7</sup> Ve saa ngar tau ighe ivot, ene gabua eta irau igham ghiit taghur muriin pa tamtamon mako. Saawe isov, iit pale tanumeer Maaron, ve taghur ila ariiaan taghe i pale igham gabua isov ivot poi. Ve saa patanjani tau ighe ivot pait, ene pale tayooz ariiaan ve tabaado. \*

<sup>8</sup> Ngar to loloon pa tamtamon irau isov mako. Ighengheen irau saawe. Eemon ngar to voti-aan Maaron aliinja imin propet, ene murei pale Maaron ipasovu. Ve ngar tau Maaron Avuvu ipaburigin ghiit gha tasavia saveen imin kao-

---

\* **13:4:** 1Pe 4:8 \* **13:5:** Ro 13:10; 1Kor 10:24, 33; Pil 2:4 \* **13:6:**

Mbo 15:2+; Ro 12:9; 1Pe 1:22; 3Yo 3-4 \* **13:7:** Ro 15:1; Ga 6:2; 2Tim 2:24



laañ, ene pale isov. Ve uraat tau Maaron Avuvu ighamghamu leso ipaghazonjai ghiit pa ngar siriv, ene paam pale isov.

<sup>9</sup> Aghita. Iit tagham ngar irao soone. Ve Maaron aliinja tau tavotia pa tamtamon imin propet na, tauvene paam. Tasavia siriv siriv mon. \*

<sup>10</sup> Ve tala tala le ighe saawe to gabua tauu ivot, ene pale Maaron ipasov gabua isov tau aazne taghamgham siriv siriv ne. \*

<sup>11</sup> Muun, saawe tau yau kukuag, saveen tomanja ngar ve gabizoon tsiu, ene ngaala imin to yes geegeu. Eemon aazne, namin olman gha ngar tsiu imatuugh wa. Tauta napul ngar to geegeu ileple. \* \*

<sup>12</sup> Aazne, iit taghita gabua to Maaron ighazoon geeg mako. Ene imin taghita gabua tawe anunuzi ila natilonja. Eemon murei, itinja Maaron pale tavaghito ghiit. Aazne, yau naghham ngar siriv mon. Ve murei pale nawatagh kat, imin Maaron iwatagh katin ghau. \*

<sup>13</sup> Tauvene ngar tintiina tol ta tighengheen: ngar to ghuruun ila, ngar to ghuruun mataan pa Maaron, ve ngar to loloon pa Maaron ve tamtamon. Ve ngar tol tane, ngar tau imuun, ene ngar to

---

\* **13:9:** 1Kor 8:2+    \* **13:10:** Ep 4:13; Pil 3:12    \* **13:11:** Paulus isavia saveen tane iza to tauu. Eemon saveen tane inarui yes Korin. Pasaa, ngar tau yes tighamghamu na, ene itotoi zi ighe ngar toozi imatuugh soone (1Kor 3:1). Paulus ighita ighe ngar to loloon pa Maaron ve tamtamon, ene gabua tiina kat. Iliiv ngar ta naol ne. Eemon yes Korin titaghon ngar tauvene irao soone. \* **13:11:** 1Kor 3:1    \* **13:12:** 2Kor 3:18; 1Yo 3:2; Syg 22:4

loloon pa Maaron ve tamtamon. \*

## 14

*Ngar to votiaaŋ Maaron aliija imin propet, ene iliiv ngar to tasavia saveeŋ imin kaolaan*

<sup>1</sup> Tauvene yam azuari gham pa ngar to loloon pa Maaron ve tamtamon, tomania ngar ve uraat isov tau Maaron Avuvu irei zi pait ne. Ve ngar ee tau yam aat azuari gham pani kat, ene ngar to tavotia Maaron aliija pa tamtamon imin propet.

<sup>2</sup> Pasaa, yes tau Maaron Avuvu ipaburigin zi gha tisavia saveeŋ tau tamtamon tilooŋa imin kaolaan na, tisavsav pa tamtamon mako. Tisavsav pa Maaron. Ve saveeŋ tau tisavia na, ene puughu iyoon. Tauta tamtamon tilooŋa ve tikankaan pani.

<sup>3</sup> Eemon yes tau tivotia Maaron aliija imin propet na, tisavia saveeŋ tau tamtamon irau tilooŋa ve tighazoŋ pani. Tauta tipalot zetazŋa ve tiseeŋ ngar toozi, ve tirav atezi leso lolozi poia, ve tipariaan zi to titaghon ngar poia.

<sup>4</sup> Tamtamon tau Maaron Avuvu ipaburigini gha isavia saveeŋ imin kaolaan na, i ipalot eval tiina mako. Ipalot tauu mon. Ve isaav ighe ŋeer eta ivotia Maaron aliija imin propet, ene i ipalot yam asov tau alep ila lupuuŋ to Krisi na, ve iseeŋ ngar tsiam.

<sup>5</sup> Yau naghe Maaron Avuvu ipaburigin yam asov gha asavia saveeŋ imin kaolaan, o poia. Eemon ighe yam asov avotia Maaron aliija imin propet, ene pale poia kat. Tauvene isaav ighe tamtamon eta isavia saveeŋ imin kaolaan, na i aat ivotia

---

\* **13:13:** Kol 1:4+; 1Tes 1:3, 5:8; 1Yo 4:16

saveeņ tana puughu paam. Leso ipalot lupuuņ to Krisi, ve iseeņ nġar toozi. Ve ighe mako, ene nġar to votiaaņ Maaron aliiņa imin propet ta poia kat iliiv nġar to tasavia saveeņ imin kaolaan. \*

<sup>6</sup> Yam tonvetaz, isaav ighe yau nalat ve nasavia saveeņ imin kaolaan, ene pale nauul gham mindai? Mako. Yau aat navotia gabua siriv tau Maaron ipaghazonai ghau pani, ma naseeņ nġar tsiam pa nġar siriv, ma napaduduun gham pa nġar siriv, ma navotia Maaron aliiņa payam imin propet, o nauul gham. Pa ighe nasavia saveeņ tauvene, yam aat aghazon pa puughu.

<sup>7</sup> Agham nġar pa gabua siriv tau tigharaat zi gha titaņ, imin pirai ve gita. Gabua tawe, tauzi irau titaņ mako. Taviv zi, ma tarav zi, o titaņ. Eemon isaav ighe titaņ poi mako, ene pale tawatagh mboun aliiņa mindai?

<sup>8</sup> Ve tavuur tau tivivu pa malmal na paam, ighe itaņ poi mako, ene pale sei igharaat ghi pa malmal?

<sup>9</sup> Yam tauvene paam. Isaav ighe asavia saveeņ imin kaolaan tau tamtamon tighazon pa mako, ene pale tigham nġar pa saveeņ puughu mindai? Mako. Saveeņ tsiam pale imin yaghur.

<sup>10</sup> Onoon, tamtamon tau tileep izi taan ne, aliņazi ite ite. Ve aliņazi tawe, tisov lezi pughuzi. Tauvene sei tau ighe iwatagh nugh eta aliņazi, ene aat ighazon pa.

<sup>11</sup> Eemon isaav ighe tamtamon eta isavsaav, ve yau nawatagh aliņa mako, ene pale yeiru ni-vaghito ghei imin i to nugh ite, ve yau to nugh ite.

---

\* 14:5: Nam 11:26-29

<sup>12</sup> Yam tauvene paam. Aazne, azuari gham pa uraat ve ngar maata maata tau Maaron Avuvu irei zi pait ne. Ene poia. Eemon yam aat azuari gham kat pa uraat ve ngar tau ipapalot lupuun to Krisi.

<sup>13</sup> Tauvene isaav ighe Maaron Avuvu ipaburigin tamtamon eta gha isavia saveen imin kaolaan, ene i aat ighason Maaron to iuule pa toraan saveen tawe. Leso zeeṭṭa tilooṇa ve tighazoon pani.

<sup>14</sup> Isaav ighe nasun ila saveen imin kaolaan, ene Maaron Avuvu tau ileep ila lolog, tauta isavsav. Eemon saveen tau nasavia ne iuul ngar tsiau mako.

<sup>15</sup> Tauvene pale naghama mindai? Yau aat nalup rugharu. Saawe siriv tau nasun, Avuvu tau ileep ila lolog ne, isavsav. Ve saawe siriv, nasun ve ngar tsiau ighazoon pa saveen tau nasavia ne. Ve saawe siriv tau nambou mboun to sunuun, Avuvu tau ighen ila lolog ne, imbou. Ve saawe siriv, nambou ve ngar tsiau ighazoon pa mboun tau nambouia ne.\*

<sup>16</sup> Aghita. Isaav ighe tamtamon eta ilat ilup tomani gham pa sunuun, ve Maaron Avuvu ipaburigin ghom ve upait Maaron pa poia tooni toman lolom poia, ve tamtamon tana ikankaan pa saveen tsio puughu, ene pale iyok pani ighe: “Onoon” mindai? Mako. Pa saveen tau yo usavia na, i ikankaan pa puughu.

<sup>17</sup> Onoon, yo usavia saveen poia ve upait Maaron pa poia tooni. Eemon saveen tsio irau ipalot tamtamon tana mako.

<sup>18</sup> Yau lolog poia pa Maaron ve napakuru pasaa, nasavia saveen imin kaolaan le naliiv gham asov.

---

\* **14:15:** Ep 5:19; Kol 3:16

19 Eemon saawe tau naleep tomania Maaron tamtamon tooni pa sunjuun, yau naghe nasavia saveen tau tamtamon tisov irau tiloonja ve tighazoon pani. Isaav ighe nasavia saveen ziiri liim mon tau tamtamon tighazoon pazi, ene poia ve iliiv saveen ziiri ndinndin ndinndin (10,000) tau tamtamon tikankaan pazi.

20 Yam tonvetaz, agham ngar imin yes geegeu muul sov. Yam amin zolman wa. Tauvene yam aat agham ngar matuugha imin yes zolman. Eemon ngar saghati, yam aleep soghan pani, imin yes geegeu tau tighunghun tuz. \*

21 Maaron alinja isaav ighe: Muun, Maaron aate yavyav pa yes Israela, ve isaav pazi ighe:

“Yau aat naghham zeran to nugh ite tau alinjazi ite na, tilam ve tinjin tamtamon tsiau tane, ve navotia alinjag pazi ila zeran tawe avozi. Eemon alinjag tau tisavia ne, yes Israela pale tiloonja mako.” \*

22 Saveen tane ipaghazonjai ghiit ighe ngar to tasavia saveen imin kaolaan, ene imin ilaal pa yes tau tighur ila ne mako. Ene imin ilaal pa yes tau tighur ila mako na, lesu ipaburigin ngar toozi pa Maaron. Ve ngar to votiaan Maaron alinja imin propet, ene imin ilaal pa yes tau tighur ila soone ne mako. Ene imin ilaal pa yes tau tighur ila na, lesu tighilaal tige Maaron ileep tomani zi.

23 Aghita. Isaav ighe alup gham pa sunjuun, ve yam asov asavia saveen imin kaolaan, ve ighe tamtamon siriv tau tighur ila soone ve tikankaan pa Maaron na, tilat tomani gham pa sunjuun, ene

---

\* 14:20: Ro 16:19+; 1Kor 3:1; Ep 4:14+; Hib 5:12+  
28:11+

\* 14:21: Is

pale tighit gham tighe yam avaghamgham imin boraunja!

<sup>24</sup> Eemon isaav ighe tamtamon tauvene ilonj ilat, ve iloonj yam asov avotia Maaron aliinja imin propet, ve asavia saveenj tau i ighazonj pani, ene pale saveenj tsiam ingali, ve ighamu ighilaal sosor tooni ve atuya tau pale izaa tooni. \*

<sup>25</sup> Tamtamon tana pale iyamaan ighe ngar isov tau iyoonj ila loolo na, yam asavia ivot ighazonj wa. Tauvene i pale itap izi taan, ve ipait Maaron eeza, ve isaav ighe: “Onoon kat, Maaron ilepleep tomani gham.”

### *Eez to suñuunj ilaan duduunj*

<sup>26</sup> Tauvene yam tonjvetaz, pale tasaav mindai? Saawe tau alup gham pa suñuunj, na yam asov agham uraat le irau gham. Neer ee, i imbou mbounj to ipakur Maaron. Ve ite, i ipaduduunj gham pa Maaron aliinja. Ve ite, i isavia ngar yonjaanja siriv tau Maaron ipaghazonjaini pani na. Ve ite, i isavia saveenj imin kaolaanj. Ve ite, i ivotia saveenj tana puughu payam. Ve saa ngar tau yam aghe aghamu, yam aat aghamu to apalot lupuunj to Krisi. \*

<sup>27</sup> Isaav ighe Maaron Avuvu ipaburigin tamtamon gha tisavia saveenj imin kaolaanj, na eval irau tisaav mako. Tamtamon ru ma tol, ene irau. Ve saawe tau aghe asaav, na yam aat asanjaan zeetmimnja. Tamtamon ee isavsaav le isov, o tamtamon ite aana. Ve tamtamon eta aat ivotia saveenj toozi puughu. Leso eval tiina tighazonj pani.

---

\* **14:24:** Yo 16:8; Mbanj 2:13      \* **14:26:** Ro 14:19; 1Kor 12:7+; Ep 4:12

<sup>28</sup> Ve isaav ighe tamtamon eta irau ivotia saveen tawe puughu mako, ene irau tisaav aliŋazi tiina ila lupuunj to Krisi mako. Tineneen mon, ve tisavsaav toman Maaron ila lolozi.

<sup>29</sup> Yes tau tivotia Maaron aliŋa imin propet na, tauvene paam. Tamtamon ru, ma tol tisavsaav le isov, o yam siriv agabiiz saveenj toozi: Iduduunj, ma mako? \*

<sup>30</sup> Ve isaav ighe tamtamon eta isavsaav, ve tamtamon ite ileep ve Maaron ivotia ŋgar eta pani, ene i tau isavsaav na, irau ineneenj ve ighur sooso pa iitete, leso aana isavsaav.

<sup>31</sup> Tauvene yam to avotia Maaron aliŋa imin propet na, irau ataghon ŋgar tauvene: Tamtamon ee isavia saveenj tooni le isov, mako ite aana isavsaav. Leso aseenj ŋgar to tamtamon tisov, ve apalot zi.

<sup>32</sup> Aloonj. Isaav ighe ŋeer eta loolo ipazaagha ighe ivotia Maaron aliŋa imin propet, ene i aat irau iyai ghi, ve isanjan le iitete ipasov saveenj tooni, o aana isavsaav.

<sup>33</sup> Pasaa, Maaron toit, i Maaron to ikaukau ŋgar mako. I ighe gabua naol isov ilaan duduuŋ mon. Ve i ighe iit tasov talup ghiit tamin eemon ve tataghon ŋgar luuma. Tamtamon tisov to Krisi titaghon ŋgar tauvene ila lupuunj toz toz.

<sup>34</sup> Isaav ighe alup gham pa sunuunj, na zilivaa irau tisavsaav mako. Yes aat tineneenj mon, titatan tauzi, ve tileep ila zitamoot sambazi itaghon tutuuŋ to Maaron. \*

---

\* **14:29:** Mbanj 17:11; 1Tes 5:20+; 1Yo 4:1

\* **14:34:** Ep 5:22; Kol 3:18; 1Tim 2:11+

<sup>35</sup> Isaav ighe lezi ghasoniin siriv, na tila ruum toozi, o tighason azuwazña. Pa ighe livaa eta isavsaav ila lupuun tsiam loolo, ene igham mayaña. \*

<sup>36</sup> Laak, yam tau azoroor ghau ne, mindai? Aghe Maaron aliinja ivot tsiam muun, ra ila pa nugh siriv? Ma aghe yam mon ta saveen to Maaron ilat ivot tsiam?

<sup>37</sup> Aloon. Isaav ighe tamtamon eta igham ngar ighe i propet to Maaron, ve itaghon ngar to Maaron Avuvu, na i aat ighilaal ighe saveen tau naboode payam, ene tutuun to Tiina toit, ve iyok pani. \*

<sup>38</sup> Ve isaav ighe tamtamon eta maata veleghin saveen tsiau tane, na matamim ila pani sov. †

<sup>39</sup> Tauvene yam tonvetaz, azuari gham pa ngar to votiaan Maaron aliinja pa tamtamon imin propet. Ve yes tau Maaron Avuvu ipaburigin zi gha tisavia saveen imin kaolaan na, angalsekin zi sov. \*

<sup>40</sup> Yam aat ataghon duduñai sunuun ngara ta naol ne, lesu sunuun tsiam ilaan poi, ve iduduun mon.

## 15

### *Krisi imaat ve iburig pa mateegh wa*

---

\* **14:35:** Yes Grika tighita tigde saveen tau zilivaa tisavia, ene gabua to eval tiina mako. Ene gabua azuwazña zitamoot mon. Saveen ziiri tane, puughu ighazon mako. Livaa tau isavsaav ila lupuun to Krisi loolo na, igham mayaña pa sei? Igham mayaña pa tauu, azaawa tamoot, ma lupuun to Krisi. \* **14:37:** 2Kor 10:7; 1Yo 4:6 † **14:38:** Eez ite to tator saveen tane, ene vene: “Ve isaav ighe tamtamon eta izoor saveen tsiau tane, ene i paam Maaron pale izori.” \* **14:39:** 1Kor 12:31; 1Tes 5:20



<sup>1</sup> Yam tonvetaz, yau naghe napei ngar tsiam muul pa vaaru poia tau navotia payam gha aghamu wa. Vaaru poia tane, ta aazne ayozyooz ila.

<sup>2</sup> Vaaru poia tau muun navotia payam na, isaav ighe aghur ila ve akisi tunja, ene aat imin eez payam to Maaron igham mulin gham. Eemon isaav ighe akisi mako, ene aat imin kaut sorok ve aghita ghuruun ila tsiam anooja mako. \*

<sup>3</sup> Saveen tiina kat tau muun tisavia payau ve anag nasakia ilat payam, ene vene: Krisi, i igham niaan ve imaat pa sosor toit itaghon Maaron aliija tau tiboode pataghaan na. \*

<sup>4</sup> Ve titavia izila mateegha niazi ve mbon imin tol, ra Maaron ipaburigini pa mateegh. Ene paam itaghon Maaron aliija tau tiboode pataghaan na. \*

<sup>5</sup> Saawe tau iburig, i ila ivot to Petrus imin maata. Ra ila ivot to mbanooja tooni tisov gha tighita. \*

<sup>6</sup> Murei ra, i ila ivot to tonvetaz tooni irau 500 ve geege siriv gha tisov tighita. Zeran tawe, katini tilepleep soone. Ve siriv timaat wa.

<sup>7</sup> Ra ivot to Yakobus \* gha ighita. Mako ila ivot muul to mbanooja tooni tisov. \*

<sup>8</sup> Yes mbanooja tooni tisov tighita ve ilam ilam le murei, ra ivot tsiau gha anag naghita paam, ve isov. Onoon, yau namin mbanooja tooni itaghon eez ite pa mbanooja siriv. Yau namin tamtamon

---

\* **15:2:** Ro 1:16, 11:22; Hib 3:14      \* **15:3:** Is 53:5+; Ga 1:4; 1Pe 2:24

\* **15:4:** Lu 24:46      \* **15:5:** Mk 16:14; Lu 24:34+; Yo 20:19      \* **15:7:**

Yakobus tane, ene Yesu taazi.      \* **15:7:** Mban 1:3+

tau tiina ipooa ila saawe tooni duduun mako. † \*

<sup>9</sup> Mbanjoona tison to Krisi ezazi iliiv ghau. Onoon, yau mbanjoona tooni paam. Eemon naghita taug naghe yau poiag irau to tiwaat ghau tigde mbanjoona to Krisi mako. Pa muun, naghur patajani naol pa Maaron lupuun tooni. \*

<sup>10</sup> Eemon poia to Maaron itoor ghau, tauta namin mbanjoona to Krisi ve aazne nataghon ngar tooni. Poia tooni iza tsiau sorok mako. Ighur anooja. Pasaa, yau naghama katin uraat le naliiv mbanjoona tison. Eemon yau taug mako. Poia to Maaron igheen tsiau, tauta ipapalot ghau gha naghama uraat tane. \*

<sup>11</sup> Tauvene isaav ighe yau, ma mbanjoona siriv nivotia vaaru poia pa tamtamon, ene yei nisov niasavia saveen tauvene pa mateegh ve burigiin to Yesu Krisi. Ve saveen tane, tauta yam aloona gha aghur ila.

### *Maaron pale ipaburigin yes mateegha*

<sup>12</sup> Yeiv nivovotia saveen pa tamtamon tauvene: “Maaron ipaburigin Krisi pa mateegh wa.” Ighe tauvene, puughu mindai ta tsiam siriv tigde Maaron irau ipaburigin yes mateegha mako? \*

---

† **15:8:** Saawe tau Yesu ilepleep izi taan, mbanjoona tooni siriv tilaghaag tomania. Tauvene tighita uraat tooni ve mateegh tooni paam. Ve saawe tana, Yesu ighur zi timin mbanjoona tooni. Eemon Paulus, i ilaag tomani zi mako. Yesu imuul izala pa sambam ve murei ra, ivot to Paulus ve ighuru imin mbanjoona tooni. \* **15:8:** Mbanj 9:3+; 1Kor 9:1 \* **15:9:** Mbanj 8:3; Ga 1:13; 1Tim 1:13 \* **15:10:** 2Kor 11:5, 23, 12:11+; Kol 1:29 \* **15:12:** Mbanj 2:32, 4:33, 5:30+

<sup>13</sup> Aghita. Isaav ighe saveenj toozi tawe onoon, ve mateegha irau tiburig mako, na Krisi paam, Maaron ipaburigin pa mateegh mako.

<sup>14</sup> Ve ighe Maaron ipaburigin Krisi pa mateegh mako, na saveenj tau yei nivovotia ne, ene saveenj sorok. Le anoonja mako. Ve ghuruunj ila tsiam paam, ene gabua sorok.

<sup>15</sup> Ve gabua ite. Isaav ighe Krisi iburig pa mateegh mako, ene yei tane nigham karom payam pa Maaron eeza. Pasaa, nipariaan tamtamon to tighur ila tigde Maaron ipaburigin Krisi pa mateegh wa. Eemon isaav ighe saveenj tsiam tana onoon, ve mateegha irau tiburig mako, ene Krisi paam, Maaron ipaburigin pa mateegh mako.

<sup>16</sup> Nayol saveenj tsiau muul. Isaav ighe mateegha irau tiburig mako, na Krisi paam, aat Maaron ipaburigin pa mateegh mako.

<sup>17</sup> Ve ighe Maaron ipaburigin Krisi pa mateegh mako, ghuruunj ila tsiam, ene gabua sorok. Le anoonja mako. Ve sosor tsiam ighengheen soone.

<sup>18</sup> Ve yes tau tighur ila to Krisi ve timaat na, yes paam tilalez wa.

<sup>19</sup> Iit taghurghur mataan pa burigiinj to yes mateegha ve lepoogh poia tau pale Krisi igham pait. Eemon isaav ighe saveenj to lepoogh tawe, ene onoon mako, ve taghurghur mataan pani sorok, ene takaria tauun wa. Pasaa, saawe tau taleep izi taan, iit tabadbaad patajani naol. Tauvene tamtamon aat lolozi isaghatin ghiit iliiv tamtamon tisov to taan tau tileep saghat na.

<sup>20</sup> Eemon mako! Maaron ipaburigin Krisi pa mateegh wa. I imin aniij maata tau imatuugh ila

uum imin maata. Pasaa, i ta imuun pa mateegha tISOV tau pale tiburig pa Mboŋ Murei. \*

<sup>21</sup> Aghita. Muun, ŋeer ee ta imin eez pa mateegh ivot. Burigiin to yes mateegha tauvene paam.

Ŋeer ee ta imin eez pani gha ivot. Ene KriSi. \*

<sup>22</sup> Iit tamtamon tau tavot ila to Adam na, tasov taleep ila sosor tooni loolo. Tauta iit tasov tamatmaat. Ve yes tau timin KriSi le ve tileep tunja ila tooni na, tauvene paam. Murei, Maaron pale ipaburigin zi tISOV, ve tileep matazi yaryaare.

<sup>23</sup> Eemon tamtamon tISOV aat itaghon saawe toz toz. KriSi ta iburig pa mateegh imin maata. Ve tala tala le saawe tau ighe i imuul ilam, mako tamtamon tooni tISOV anazi tiburig. \*

<sup>24</sup> Gabua tawe isov, mako taan saawe ivot, ve i pale ipasov yes pooza, ve daaba tISOV tau ezazi tintiina, tomania gabua isov tau tapirizi tiina na, le tISOV tilalez. Mako ipul uraat to ghamuun pooz imuul ila Taama Maaron niima.

<sup>25</sup> Pasaa, KriSi aat igham pooz itaghon Maaron ŋgar tooni le irau itatan koiŋa ve tapirizi isov kat, ve ivaghaaz zi ila aaghe saamba. \*

<sup>26</sup> Ve koia tau pale ipasovu murei geeg, ene mateegh. \*

<sup>27</sup> Maaron aliinja tau tiboode na isaav ighe: “Maaron ighur gabua tISOV tileep ila i saamba wa.” Onoon, saveeŋ tane isaav ighe gabua tISOV tileep ila KriSi saamba. Eemon Maaron, i ileep ila

\* **15:20:** Mbaŋ 26:23; Kol 1:18; 1Pe 1:3; Syg 1:5

3:1-19; Yo 11:25; Ro 5:12+

\* **15:23:** 1Tes 4:15+

\* **15:26:** 1Kor 15:54-57; Syg 20:14, 21:4

\* **15:21:** Gnp

\* **15:25:** Mbo

Krisi saamba mako. Pasaa, i ta ighur gabua tileep ila Krisi saamba.\*

<sup>28</sup> Murei, saawe tau gabua tisov tileep duduun ila Naatu saamba, Naatu pale ighur tauu ila Taama Maaron saamba. Leso Maaron imin daaba pa gabua tisov, ve injiniir zi.

<sup>29</sup> Laak, naghe naghason gham. Isaav ighe mateegha irau tiburig mako, puughu mindai ta yam siriv aghe agham mateegha tsiam niazi, ve tigham yaa payam? Aghamgham ngar tana pasaa? Pale iuul zi mindai?

<sup>30</sup> Ve puughu mindai ta saawe isov, yei nibadbaad patañani pa Krisi eeza, ve nireirei taumai pa zaab.\*

<sup>31</sup> Yam tonvetaz, yam agham ghau lolog poia pasaa, uraat tsiau ighur anooña ivot ila sosomim gha amin Tiina toit Yesu Krisi le wa. Ila i maata, yau nasaav ghazooña payam naghe: Mateegh inañarui ghau irau saawe.\*

<sup>32</sup> Isaav ighe yau nataghon ngar to tamtamon mon pa uraat tau naghamsghamu ne, puughu mindai ta narei taug gha yeña gabua sagsagna niparav izi nugh Epesus? Yau naghe naghams saa kat, ta nabaad patañani tawe? Isaav ighe mateegha irau tiburig mako, o tambaano. “Taghanghan, taghunghun, ve tail leen lepoogh poia izi taan. Pa bogzo ma ezau gha tamatmaat.”\*

<sup>33</sup> Yam ayamaan gham. Apul tamtamon titombaan gham sov!

---

\* **15:27:** Mbo 8:6; Mt 28:18; Hib 2:8; 1Pe 3:22      \* **15:30:** Ro 8:36;  
 2Kor 11:26      \* **15:31:** 2Kor 4:10+      \* **15:32:** Mban 19:23+; 2Kor 1:8

“Pa ighe iit tau tataghon ngar poia ne, tapaak zeran sasaghati, ene pale tiyes ghiit pa ngar toozi, ve ngar toit isaghat paam.”

<sup>34</sup> Ngar tsiam ikaukau irao! Agham ngar poi, ve apul ngar sasaghati ileple, ve ataghon ngar tau iduduun ila Maaron maata. Yau nasaav ghazona payam: Mayamim. Pasaa, yam siriv awatagh Maaron rigta mako.

*Anoŋaan paaghu pale ariaaŋa ve irau isaghat mako*

<sup>35</sup> Aiyo. Tamtamon eta aat ighason ghau tau-vene: “Isaav ighe Maaron ipaburigin yes mateegha, pale ipaburigin zi mindai? Ve saawe tau tiburig, pale igham lezi anoŋazi paaghu ghitoona mindai?”

<sup>36</sup> Yo borau! Lem ngar mako! Ughita. Isaav ighe tavazogh gabua eta uuve, ene aat uuli imbuuz gha ilale, mako paaghu tooni itum izaa. \*

<sup>37</sup> Ve isaav ighe tavazogh wit, ma gabua ite paam uuve, ene pale paaghu tooni tau murei itum izaa na ghitoona raraate imin uuv tau tavazoghi ne mako. Pale ghitoona ite.

<sup>38</sup> Ve Maaron igham gabua tau tavazogh zi na titum tizaa, mako eŋaena tighur ayazi, bogazi, rauazi, runguzi, ve anoŋazi itaghon i tauu ngar tooni.

<sup>39</sup> Gabua tau tileep izi taan ne, mizazi raraate mako. Iit tamtamon mizaan ite, ngai toozi ite, man toozi ite, ve iigh tauvene paam, mizazi ite.

<sup>40</sup> Ve gabua tau tigheen ila sambam saamba na, anoŋazi ite. Ve gabua to taan, anoŋazi ite. Ve gabua

---

\* 15:36: Yo 12:24

to sambam saamba pabodenazi ite pa gabua to taan.

<sup>41</sup> Aaz mbonari, ene ite pa kaiyo mbonari. Ve pitum tauvene paam. Mbonarizi ite pa aaz ve kaiyo mbonarizi. Ve pitum tisov raratezi mako. Pitum enaena mbonarizi ite ite.

<sup>42</sup> Burigiinj to yes mateegha, ene ngara raraate. Isaav ighe tamaat ve titavi ghiit, ene anonaan izila taan ve imbuuz gha ilale. Eemon saawe tau Maaron ipaburigin ghiit pa mateegh, i pale igham leen anonaan paaghu. Anonaan paaghu tana pale ariana ve irau isaghat mako.

<sup>43</sup> Anonaan tau titavia izila taan, ene ghitoona poia geeg mako. Eemon murei, saawe tau Maaron ipaburigin ghiit pa mateegh, i pale igham leen anonaan tau poia le poia kat, ve mbonari tiina. Anonaan tau titavia izila taan ne, le tapiri mako. Eemon saawe tau Maaron ipaburigin ghiit pa mateegh, i pale igham leen anonaan paaghu tau le tapiri tiina. \*

<sup>44</sup> Anonaan tau titavia izila taan, ene gabua to taan. Eemon saawe tau Maaron ipaburigin ghiit pa mateegh, ila Maaron Avuvu tapiri, iit pale tagham leen anonaan paaghu tau irau to ileep izi sambam.

<sup>45</sup> Maaron aliina tau tiboode na, isaav ighe:

“Adam, neer tau Maaron ighuru imin maata na, iburig imin tamtamon, ve maata iyaryaar.”  
\*

---

\* **15:43:** Mt 13:43; Pil 3:20+; Kol 3:4      \* **15:45:** Gnp 2:7

Ve Adam ite tau ivot murei ‡  
na, i Avuvu ta igham ghiit taleep mataan yaryaare  
le alok. \*

<sup>46</sup> Tauvene ñeer to sambam imuunj mako. Ñeer to  
taan tomania taan lepoogha ta ivot imin maata.  
Ra ñeer to sambam ilam tomania lepoogh paaghu  
to Maaron Avuvu.

<sup>47</sup> Adam tau ivot imin maata na, Maaron igharaata  
pa taan. Tauvene i tamtamon to taan. Ve Adam ite  
tau imin ru, i ileep nugh sambam ve izilam. \*

<sup>48</sup> Tamtamon tisov to taan, anonjazi ve lepoghazi,  
ene imin ñeer to taan tau Maaron ighuru na. Ve  
yes tau pale tileep izi nugh sambam na, anonjazi  
paaghu ve lepoghazi, ene imin Ñeer tau ileep sam-  
bam ve izilam.

<sup>49</sup> Aazne, lepoogh toit, taleep imin ñeer to taan tau  
Maaron ighuru na. Ve murei tauvene paam. Iit  
pale taleep imin Ñeer tau ileep sambam ve izilam  
na. \*

<sup>50</sup> Yam tonjvetaz, yau nasaav payam tauvene:  
Anonjaan to taan, ene irau igham lepoogh to nugh  
sambam mako. Pasaa, gabua to nugh sambam  
irau isaghat mako. Tauvene gabua tau isasaghat  
imin anonjaan to taan, ene irau igham lepoogh to  
nugh tawe mako. Maaron aat igham leen anonjaan

---

‡ **15:45:** Adam ite tau ivot murei na, ene Kriisi. Ves 47 iwaato ighe:  
“Adam ite tau imin ru na.” Saveej tane, ngara tauvene. Adam tau  
ivot imin maata na, iit tasov tavot ila tooni. I puughu toit. Tauvene  
saawe tau i igham sosor, iit taleep ilonj ila sosor tawe paam. Kriisi  
tauvene paam. I puughu to lupuunj paaghu, ene yes tamtamon  
tooni. Yes tau tipaako na, tileep ila mateegh ve burigiinj tooni loolo.

\* **15:45:** Yo 5:21, 24; Ro 5:15+      \* **15:47:** Gnp 3:19; Yo 3:13, 31

\* **15:49:** Ro 8:29+; 1Yo 3:2



paaghu, o tagham lepoogh tawe. \*

*Maaron igham ghiit taliiv mateegh*

<sup>51</sup> Alooj. Yau naghe napaghazonjai gham pa gabua ee tau muun iyoon, ve aazne Maaron isavia ivot ighazon. Tamtamon toit siriv aat timaat mako. Pasaa, saawe to Mboj Murei, Maaron pale itoor ghiit tasov ve tagham anonjaan paaghu.

<sup>52</sup> Tavuur tau Maaron ighuru to itan murei geeg na, pale itan, ve rekia mon Maaron ipaburigin yes mateegha, ve igham lezi anonazi paaghu tau irau isaghat mako. Mako iit tau tamaat soone ve talepleep ne, anaan, Maaron pale itoor ghiit, ve igham leen anonjaan paaghu. \*

<sup>53-54</sup> Pasaa, anonjaan to taan tau tisaghat gha timaat ne, Maaron aat itoor zi. Leso timin paaghu, ve irau tisaghat, ma timaat muul mako. Gabua tane ighe ivot, ene pale Maaron aliinja ziiri ee tau tiboode na, ighur anonja. Isaav tauvene:

“Maaron iparav ariiaan, tauta iliiv mateegh tapiri, ve ipasovu le isov kat.” \*

<sup>55</sup> “Mateegh, tapirim to uliiv ghei igheen sindei?

Aa mateegh, iiz tsio to unjal ghei pani ne, igheen sindei? Mako.” \*

<sup>56</sup> Pasaa, iiz to mateegh, ene ngar saghati. Ve ngar saghati ighamgham tapiri ila tutuun. \*

<sup>57</sup> Eemon iit tapait Maaron toman loloon poia! Pasaa, ila uraat to Tiina toit Yesu Krisi, Maaron igham ghiit taliiv ngar saghati ve mateegh. \*

\* **15:50:** Yo 3:5+      \* **15:52:** Mt 24:31; Pil 3:21; 1Tes 4:15+

\* **15:53-54:** Is 25:8      \* **15:55:** Hos 13:14      \* **15:56:** Gnp 3:3; Ro

4:15, 5:12, 7:9+      \* **15:57:** Ro 8:37; 2Kor 2:14; 1Yo 5:4+

<sup>58</sup> Tauvene yam tonvetaz tau lolog igheen tsiam kat na, yau nasaav payam: Ayooz ariaan, akis ghuruun ila tsiam tunja, ve apul taumim kat pa uraat to Tiina toit irau saawe. Pa yam awatagh: Isaav ighe i ileep tomani gham pa uraat tsiam, na yam arav taumim sorok pa uraat mako. Uraat tsiam pale ighur anooja. \*

## 16

*Paulus ipalot yes Korin to tiuul zetazja tau tileep izi Yerusalem na*

<sup>1</sup> Aiyo, yau leg saveen rig payam pa maet tau aghe agooga pa Krisi tamtamon tooni tau tileep izi Yerusalem na. Yau naghita eez tau naghuru pa lupuun to Maaron tau tileep izi taan sirivu to Galesia na, yam ataghoni paam, o poia. \*

<sup>2</sup> Saawe imin maata to wik tisov, na yam enjaenja aat aghur maet tsiam siriv ila soghan itaghon uraat tsiam atuya. Leso ivot imin tiina ve isaan pa saawe to nalat. Ataghon alinag tane, o poia. Pa ighe nalat ve agooga soone, ene poia mako. \*

<sup>3</sup> Ve aghur tamtamon tsiam siriv tau aghit zi aghe tirao, lesu tigham maet tau agooga na ila pa tonvetaz toit tau tileep izi Yerusalem. Saawe tau nalat, yau aat nabood rau siriv imin paesiin pazi, lesu tikis zi ve tila.

<sup>4</sup> Ve isaav ighe naghita naghe poia to yau paam nala, ene aat yenja nila.

*Paulus ipaesia laghoon tooni*

---

\* **15:58:** Ga 6:8; Hib 6:10; Syg 14:13  
 15:25+; 2Kor 8:1+      \* **16:2:** Mbanj 20:7  
 \* **16:1:** Mbanj 24:17; Ro

<sup>5</sup> Yau naghām ṅgar naghe nala naghita zetaanṅa siriv tau tileep irau taan sirivu to Masedonia. Tauvene yau aat nala naghīt zi muunṅ. Le isov, o nalat naghīt gham.

<sup>6</sup> Ve naghe naleep tomani gham malau rig. Tauvene matag iṅgal naghe naleep tomani gham le saawe to nugh yaunṅa isov, o yam irau aghīt ghau pa laghoonṅ tsiau, ve aghur ghau nala pa nugh sindei tau naghe nala pani.

<sup>7</sup> Lolog pa nagig gham mon ve nala mako. Tauvene isaav ighe Maaron loolo tauvene, ene aat itinṅa taleep malau rig.

<sup>8</sup> Eemon irau nala Masedonia rekiā mako. Pale naleep izi nugh Epesus le irau lupuunṅ tiina to Pentekos ivot, o nala.

<sup>9</sup> Pasaa, Maaron ikaak eez payau to naghām uraat tiina izi ta sene. Ve naghita naghe uraat tsiau ighurghur anoonṅa. Eemon eval tiina tizor-zoor saveenṅ tsiau paam. \*

### *Paulus ipaes pazi pa Timoti gha Apolos*

<sup>10</sup> Isaav ighe aghita Timoti ilat peria tsiam, na aghamu toman lolomim poia. Leso saawe tau ileep tomani gham na, iroi sov, ve loolo poia. Pa i ighamgham uraat to Tiina toīt Krisi, raraate imin yau. \*

<sup>11</sup> Tauvene tamtamon eta maata veleghini sov. Ve saawe tau i ipaburigin laghoonṅ tooni muul na, yam auule, ve aghuru toman loolo poia, ve imuul ilam tsiau. Pa yau nasasanṅani tomania tonvetaz toīt siriv.

---

\* **16:9:** 2Kor 1:16; Kol 4:3; Syg 3:8      \* **16:10:** 1Kor 4:17

12 Ve tonvetaz toit Apolos, saawe naol yau nasavsaav ariaan pani naghe yesna tonvetaz toit siriv tilat tighit gham. Eemon loolo pa ilat pa saawe tane mako. Pale ighita sooso eta, o ilat ighit gham.

*Paulus iparwai saveen tooni*

13 Matamim imomoos poi, ve ayooz ariaan pa ghuruun ila tsiam. Aroi sov. Apariaan taumim, ve ayooz tunja. \*

14 Ve saa njar tau yam aghe aghamu, na aghamu itaghon njar to loloon pa tamtamon. \*

15-16 Yam awatagh: Stepanas ve yes tau tileep tomania ila ruum tooni na, timuun pa yam Akaia asov, ve tighur ila to Krisi imin maata. Ve yes tirei tauzi kat pa uraat to Tiina toit, ve tibesbees poi pa tamtamon tooni. Zeran tauvene, tomania tamtamon tisov tau tiuluul zi ve tipul tauzi kat pa uraat to Maaron na, naghe napalot gham to aleep ila sambazi, ve aloon alinazi. \*

17 Saawe tau Stepanas tomania Portunatus ve Akaikus tilam tivot tsiau, yes tigham ghau lolog poia kat. Onoon, yam eval irau alam mako. Eemon yes tigham naghomim gha tilam tivot sene, ve tiuul ghau pa gabua siriv.

18 Tauta tipalot ghau ve tigham ateg izi, imin monmon tighamgham payam na. Tamtamon tauvene, yam aat apakur zi.

---

\* **16:13:** Mbo 31:24; Ep 6:10

\* **16:14:** 1Kor 13:1+; 1Pe 4:8

\* **16:15-16:** 1Kor 1:16; Pil 2:29; 1Tim 5:17; Hib 13:17

<sup>19</sup> Lupuun̄ tISOV to KriSi tau tileep izi taan sirivu to Asia ne, tigham aaz poia toozi ilat payam. Akwila yesuru Prisila tomania yes tau tiluplup zi pa sun̄uun̄ ila ruum toozi na, lolozi igheen tsiam kat. Tauvene yes paam tigham aaz poia toozi ilat payam ila Tiina toIt eeza. \*

<sup>20</sup> Ve ton̄vetaz to KriSi tau yeŋa nilepleep ne paam, tISOV tigham aaz poia toozi ilat payam.

Yam asov ton̄vetaz to KriSi. Tauvene lolomim poia pa taumim ve avataki nimamim. \*

<sup>21</sup> Ene yau Paulus. Nabood aaz poia tane ilat payam pa taug nimag. \*

<sup>22</sup> Isaav ighe tamtamon eta loolo pa Tiina toIt mako, ene pale aatyavyav to Maaron iza a tooni.

O Tiina tsiei, ulam lak! \*

<sup>23</sup> Poia to Tiina toIt Yesu igheen tomani gham.

<sup>24</sup> Yau lolog igheen to yam asov. Pasaa, Yesu KriSi ilup ghiit ve taleep ila tooni.

---

\* **16:19:** Mban̄ 18:2, 18, 26; Ro 16:3, 5      \* **16:20:** Ro 16:16

\* **16:21:** Kol 4:18; 2Tes 3:17      \* **16:22:** Paulus ibood ziiri tane ila yes Aramea alin̄azi. Isaav ighe: 'Marana tha'.

**Maaron Saveen Tooni Patabuyaang  
The New Testament and portions of the Old Testament  
in the Tuam dialect of the Saveeng language of Papua  
New Guinea. The Saveeng language is also called the  
Mutu language.  
Sampela hap Buk Baibel long tokples Saveeng Tuam  
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 18 Apr 2025 from source files dated 31 Aug 2023

adb844f0-d769-5b05-9dd0-7c01fca938bb